

五代史記序

建安陳師錫撰

孟子曰三代之得天下也以仁其失天下也以不仁自生
民以來一治一亂旋相消長未有去仁而興積仁而治者
甚哉五代不仁之極也其禍敗之復殄滅剝喪之威亦其
效耳夫國之所以存者以有民民之所以生者以有君方
是時上之人以慘烈自任刑戮相高兵革不休夷滅構禍
置君猶易吏變國若傳舍生民膏血塗草野骸骨暴原
隰君民相眦如髦鬻草木幾何其不肖為夷也逮皇天悔
禍真公出寧易暴以仁轉禍以德民咸保其首領收其族
屬各正性命豈非天邪方夷夏相蹂兵連亂結非無忠良
豪傑之士竭謀單智以緩民之死乃堙沒而無聞矣否閉

極而秦道升聖人作而萬物覩指揮中原兵不頓刃向之
滔天巨猾搖毒煽禍以害斯人者蹈鼎鑊斧鑕之不暇豈
非人邪天與人相為表裏和同於無間聖人知天之所助
人之所歸國之所恃以為固者仁而已非特三代然也堯
舜之盛漢唐之興秦隋之暴魏晉之亡南北之亂莫不由
此也五代距今百有餘年故老遺俗往往垂絕無能道說
者史官秉筆之士或文采不足以耀無窮道學不足以繼
述作使五十有餘年間廢興存亡之迹姦臣賊子之罪忠
臣義士之節不傳於後世來者無所攷焉惟廬陵歐陽公
慨然以自任蓋潛心累年而後成書其事迹實錄詳於舊
記而褒貶義例仰師春秋由遷固而來未之有也至於論
明黨宦女忠孝兩全義子降服豈小補哉豈小補哉

五代史記目錄

第一卷

梁本紀第一

太祖上

第二卷

梁本紀第二

太祖下

第三卷

梁本紀第三

末帝

第四卷

唐本紀第四

莊宗上

第五卷

唐本紀第五

莊宗下

第六卷

唐本紀第六

明宗

第七卷

唐本紀第七

愍帝

廢帝

第八卷

晉本紀第八

高祖

第九卷

晉本紀第九

出帝

第十卷

漢本紀第十

高祖

隱帝

第十一卷

周本紀第十一

太祖

第十二卷

周本紀第十二

世宗

恭帝

第十三卷

梁家人傳第一

太祖文惠皇后王氏

元貞皇后張氏

陳昭儀

李昭容

末帝妃張氏

妃郭氏

太祖子友裕

友珪

友璋

友雍

友徽

友孜

友文

兄全昱

全昱子友諒

友能

友誨

兄存子友寧

友倫

第十四卷

唐太祖家人傳第二

太祖劉太妃

貞簡皇后曹氏

莊宗神閔敬皇后劉氏

淑妃韓氏

德妃伊氏

太祖子存美

存霸

存禮

存渥

存乂

存確

存紀

太祖弟克讓
克脩子嗣弼

克脩
嗣肱

克恭

克寧

克寧子瓌

莊宗子繼岌

繼潼

繼嵩

繼蟾

繼堯

第十五卷

唐明宗家人傳第三

明宗和武憲皇后曹氏

昭懿皇后夏氏

宣憲皇后魏氏

淑妃王氏

愍帝哀皇后孔氏

明宗子從璟

從榮

從益

姪從璨

從璋

從溫

從敏

第十六卷

唐廢帝家人傳第四

皇后劉氏

子重吉

重美

第十七卷

晉家人傳第五

高祖皇后李氏

太妃安氏

出帝皇后馮氏

高祖子重信

重乂

重英

重進

重睿

重杲

萬友子敬威

萬銓

高祖兄敬儒

敬殷

出帝子延煦

第十八卷

漢家人傳第六

高祖皇后李氏

高祖子承訓

姪贊

第十九卷

周太祖家人傳第七

聖穆皇后柴氏

貴妃張氏

子侗

姪守愿

遜

第二十卷

周世宗家人傳第八

柴守禮

宣懿皇后符氏

世宗子誼

誠

高祖叔父萬友

敬贊

萬銓子敬暉

高祖弟敬德

重脩

延寶

高祖弟崇信

承勳

淑妃楊氏

德妃董氏

信

奉超

世宗貞惠皇后劉氏

後立皇后符氏

誠

熙讓

熙謹

熙誨

第二十一卷

梁臣傳第九

敬翔

朱珍

李唐賓

龐師古

葛從周

霍存

張存敬

符道昭

劉捍

寇彥卿

第二十二卷

梁臣傳第十

唐懷英

劉鄩

牛存節

張歸霸

歸厚

歸弁

王重師

徐懷玉

第二十三卷

梁臣傳第十一

楊師厚

王景仁

賀瓌

王檀

馬嗣微

王虔裕

謝彥章

第二十四卷

唐臣傳第十二

郭崇韜

安重誨

第二十五卷

唐臣傳第十三

周德威

符存審

史建瑭子匡翰

王建及

元行欽

安金全

袁建豐

西方鄴

第二十六卷

唐臣傳第十四

符習

烏震

孔謙

張廷朗

李巖

李仁矩

毛璋

第二十七卷
唐臣傳第十五

朱弘昭馮贊附

劉延朗

康思立

康義誠

藥彥稠

第二十八卷

唐臣傳第十六

豆盧革

盧程

任圜

趙鳳

李襲吉

張憲

蕭希甫

劉贊

何瓚

第二十九卷

晉臣傳第十七

桑維翰

景延廣

吳巖

第三十卷

漢臣傳第十八

蘇逢吉

史弘肇

楊邠

王章

劉銖

李業

聶文進

後贊

郭允明

第三十一卷

周臣傳第十九

王朴

鄭仁誨

扈載

第三十二卷

死節傳第二十

王彥章

裴約附

劉仁贍附

第三十三卷

死事傳第二十一

張源德

夏魯奇

姚洪

王思同

張敬達

翟進宗

沈斌

王清

史彥超

孫晟

第三十四卷

行傳第二十二

鄭遨

張薦明

石昂

程福贇

李自倫

第三十五卷

唐六臣傳第二十三

張文蔚

楊涉

張策

趙光逢

薛貽矩

蘇循杜曉附

第三十六卷

義兒傳第二十四

李嗣昭

嗣本

嗣恩

存信

存孝

存進

存璋

存賢

第三十七卷

伶官傳第二十五

敬新磨

景進

史彥瓊

郭從謙

第三十八卷

宦者傳第二十六

張承業

張居翰

第三十九卷

雜傳第二十七

王鎔

羅紹威

王處直

劉守光

第四十卷

雜傳第二十八

李茂貞

韓建

李仁福

韓遜

楊崇本

高萬興

溫韜

第四十一卷

雜傳第二十九

盧光稠

譚全播

雷滿

鍾傳

趙匡疑

第四十二卷

雜傳第三十

朱宣

瑾

王師範

李罕之

孟方立

王珂

趙犇

馮行襲

第四十三卷

雜傳第三十一

氏叔琮

李彦威

李振

裴迪

韋震

孔循

孫德昭

王敬

蔣殷

第四十四卷

雜傳第三十二

劉知俊

丁會

賀德倫

閻寶

康延孝

第四十五卷

雜傳第三十三

張全義

朱友謙

袁象先

朱漢賓

段凝

劉玘

周知裕

陸思鐸

第四十六卷

雜傳第三十四

趙在禮

霍彥威

房知温

王晏球

安重霸

王建立

第四十七卷

雜傳第三十五

華温琪

葛從簡

張筠弟錢

李周

李承約

相里金

馬全節

安彥威

劉景巖

楊彥詢

劉虞讓

張希崇

張廷蘊

皇甫遇

李瓊

第四十八卷

雜傳第三十六

盧文進

楊思權

劉安交

高行周

白再榮

李金全

王弘贄

王周

行珪

安叔千

第四十九卷

雜傳第三十七

翟光鄴

皇甫暉

王進

孫方諫

馮暉

唐景思

常思

第五十卷

雜傳第三十八

王峻

劉詞

王殷

王環

折從阮

第五十一卷

雜傳第三十九

朱守殷

董璋

范延光

婁繼英

安重榮

安從進

楊光遠

第五十二卷

雜傳第四十

杜重威

李守貞

張彥澤

第五十三卷

雜傳第四十一

王景崇

趙思綰

慕容彥超

第五十四卷

雜傳第四十二

馮道

李珣

李琪

鄭珏

李愚

盧導

司空頴

第五十五卷

雜傳第四十三

劉昫

盧文紀

馬胤孫

姚顛

劉岳

馬縞

盧損

崔居儉

崔悅

李譯

第五十六卷

雜傳第四十四

和凝

趙瑩

馮玉

盧質

呂琦

薛融

何澤

王權

史珪

龍敏

第五十七卷

雜傳第四十五

李崧

李鏐

賈緯

段希堯

張允

王松

裴皞

王仁裕

裴羽

王延

馬重績

趙延義

第五十八卷

司天考第一

第五十九卷

司天考第二

第六十卷

職方考第三

第六十一卷

吳世家第一

揚行密

子暹 陰濟 一博

徐温

第六十二卷

南唐世家第二

李昇

子景通

景子煜

第六十三卷

前蜀世家第三

王建

子衍

第六十四卷

後蜀世家第四

孟知祥

子杲

第六十五卷

南漢世家第五

劉隱

弟龍天

龍美子玠

晟

晟子鉉

第六十六卷

楚世家第六

馬殷

子希聲

希範

希廣

劉言

周行逢

第六十七卷

吳越世家第七

錢鏐

子元囁

元囁子佐 啟

第六十八卷

閩世家第八

王審知

子延翰 鑄子繼鵬
子延義 延政

第六十九卷

南平世家第九

高季興

子從誨 從誨子保融 保融子繼冲

第七十卷

東漢世家第十

劉昱

子承鈞 承鈞子繼恩 繼元

第七十一卷

十國世家年譜第十一

第七十二卷

四夷附錄第一

夷狄

第七十三卷

四夷附錄第二

兀欲

第七十四卷

四夷附錄第三

奚

吐渾

達靺

党項

突厥

吐蕃

回鶻

于闐

高麗

渤海

新羅

南詔

占城

黑水

特柯

本紀十二卷

列傳四十五卷

司天職方考三卷

世家年譜十卷

四夷附錄三卷

五代史記目錄終

五代史記卷第一

梁本紀

宋歐陽脩謹徐無黨注明汪文盛高毅傳汝舟校

本紀因舊以為名本原其所始也而紀次其事與時也即位以前其事詳於本紀自來故曲而倫之見其起之有漸有暴也即位以後其詳於本紀在重所責者大故所書者簡惟簡乃可立法

太祖神武元聖孝皇帝姓朱氏宋州湯山午溝里人也其

父誠以五經教授鄉里生三子曰全昱存温變諱某書名義在梅王注中

誠卒三子貧不能為生與其母傭食蕭縣人劉崇家全昱

無他材能然為人頗長者存温勇有力而温尤兇悍唐僖

宗乾符四年黃巢起曹濮存温亡入賊中巢攻嶺南存戰

死巢陷京師以温為東南面行營先鋒使攻晉同州以為

同州防禦使是時天子在蜀諸鎮會兵討賊者鎮謂節度使也唐謂節度使

所治軍州為蒲鎮故温數為河中王重榮所敗重榮謂温於

巢巢中尉孟楷抑而不通温客謝曠說温曰黃家起於阜
 莽幸唐衰亂其授其隙而取之爾非有功德興王之業也
 此豈足與其成事哉今天子在蜀諸鎮之兵日集以謀興
 復是唐德未厭於人也且將軍力戰於外而庸人制之於
 內此章邯所以背秦而歸楚也温以為然乃殺其監軍嚴
 實自歸于河中因王重榮以降都統王鐸承制拜温左金
 吾衛大將軍河中行營招討副使天子賜温名全忠中和
 三年三月拜全忠汴州刺史宣武軍節度使四月諸鎮兵
 破巢復京師巢走藍田七月丁卯全忠歸于宣武自是歲黃
 巢出藍田關陷蔡州節度使秦宗權叛附于巢遂圍陳州
 徐州時溥凡稱某州某人皆其節度使為東南面行營兵馬都統會東諸
 鎮兵以救陳陳州刺史趙犇亦乞兵于全忠溥雖為都統
 而不親兵四年全忠乃自將救犇擊敗巢將黃
 鄴尚讓等犇以全忠為德始附屬焉是時河東李克用下
 兵太行度河出洛陽與東兵會擊巢巢已敗去全忠及克
 用追敗之于郟城巢走中牟又敗之于王滿巢走封丘又
 大敗之巢挺身東走至泰山狼虎谷為時溥追兵所殺九
 月天子以全忠為檢校司徒同中書門下平章事封沛郡
 侯光啓二年二月進爵王義成軍亂逐其節度使安師儒
 推牙將張駭為留後師儒來奔殺之遣朱賓李唐賓陷滑
 州以胡真為留後十一月徙封武興郡王自黃巢死秦宗
 權稱帝陷陝洛懷子置唐許汝鄭州遣其將秦賢盧瑋張晳
 攻汴敗其軍枚橋晳軍北郊瑋軍萬勝環汴為三十六柵王
 顧兵少不敢出如而柵名勝而柵名萬勝而柵名萬勝乃遣朱珍募兵

民本

卷之八

八

於東方而求救于兗鄆二年春珍得兵萬人馬數百匹以歸乃擊賢拔橋拔其四柵又擊瑭萬勝瑭敗投水死宗權聞瑭等敗乃自將精兵數千柵北郊五月兗州朱瑾鄆州朱宣來赴援流洛水上置酒軍中中席王陽起如廁以輕兵出北門襲晁而樂聲不輟晁不意兵之至也兗鄆之兵又從而合擊遂大敗之斬首一萬餘級宗權與晁夜走過鄭屠其城而去宗權至蔡復追張晁攻汴王聞晁復來登封禪寺後岡望晁兵過遣朱珍躡之戒曰晁見吾兵必止望其止當速返毋與之鬪也已而晁見珍在後果止珍即馳還王令珍引兵敵大林而自率精騎出其東伏大冢間晁止而食良久畢拔旗幟馳擊珍珍兵小却王引伏兵橫出斷徑軍為三而擊之晁大敗脫身走宗權怒斬徑而河陽洛之兵為宗權守者聞蔡精兵皆已殲於汴因各潰去故諸葛奕將李罕之取河陽張全義取洛陽以來附十月天子使來賜王紀功碑朱宣未瑾兵助汴已破宗權東歸王移檄兗鄆誣其誘汴亡卒以東乃發兵攻之取其曹州濮州遂遣朱珍攻鄆州大敗而還十二月天子使來賜王鐵券及德政碑淮南節度使高駢死揚行密入揚州天子以王兼淮南節度使王乃表行密為副使以行軍司馬李璠為留後璠之揚州行密不納文德元年正月王如淮南至宋州而還是時秦宗權陷襄州以趙德諱為節度使德諱叛于宗權以來附天子因以王為蔡州四面行營都統以德諱為副三月庚子僖宗崩天雄軍亂囚其節度使樂彥直其子相州刺史從訓攻魏來乞兵遣朱珍助從訓

攻魏而魏軍殺彥真從訓戰死魏人立羅弘信珍乃還張
全義取河陽逐李罕之罕之奔于河東李克用遣兵圍河
陽全義來求救遣丁會牛存節救之擊敗河東兵于沁河
五月行營討蔡州圍之百餘日不克是時時溥已為東南
面都統又以王統行營而溥猶稱都統王乃上書論溥討
蔡無功而不落都統且欲激怒溥以起兵端初高駢死淮
南亂楚州刺史劉瓚來奔納之及王兵攻蔡不克還欲攻
徐乃遣朱珍將兵數千以東聲言送瓚還楚州溥怒論已
又聞珍以兵來果出兵拒之珍戰于吳康大敗之取其豐
蕭二縣遂攻宿州下之珍屯蕭縣別遣龐師古攻徐州龍
紀元年正月師古敗溥于呂梁淮西牙將申叢執秦宗權
折其足將檻送京師別將郭璠殺叢篡宗權以來獻王遣
行軍司馬李璠獻俘于京師表郭璠淮西留後三月天子
封王為東平王七月朱珍殺李唐質王如蕭縣執珍殺之
遂攻徐州冬大雨水不能屯軍而旋初秦宗權遣其弟宗
衡掠地淮南是歲宗衡為其將孫儒所殺儒攻揚行密于
揚州淮南大亂行密走宣州儒入揚州大順元年春遣龐
師古攻孫儒于淮南大敗而還四月宿州將張筠以宿州
復歸于時溥王自將攻之不克初黃巢敗走李克用追之
至于冤胸不及而旋過汴駐軍于北郊王邀克用置酒上
源驛夜以兵攻之克用踰城而免訟其事于京師天子知
曲在汴而和解之至是宰相張濬私與汴交王厚之以賂
濬為汴請伐河東唐諸大臣皆以為不可與師濬挾汴力
請益堅天子不得已而許之五月以濬為太原四面行營

都統王為東南面招討使然王不親兵以兵三千屬濬而
已濬屯于陰地河東叛將馮霸殺潞州守將李克恭來降
遣葛從周入潞州李克用遣康君立攻之從周走河陽九
月王如河陽十月天子以王兼宣義軍節度使遂如滑州
假道于魏以攻河東且責其軍須亦所以怒魏為兵端也
魏人果以謂非兵所當出而辭以糧乏皆不許於是攻魏
十一月張濬之師大敗于陰地二年正月王及魏人戰于
內黃大敗之屠故元城羅弘信來送款十月克宿州十一
月曹州將郭紹賓殺其刺史郭饒來降十二月丁會敗朱
瑾于金鄉景福元年二月攻鄆州前軍朱友裕敗于斗門
王軍後至又敗而還冬友裕取濮州遂攻徐州二年四月
龍師古克徐州後時專王如徐州以師古為留後遂攻交
軍乾寧元年二月王及朱宣戰于漁山大敗之二年八月
又敗宣于梁山十一月又敗之于鉅野交鄆求救于河東
李克用發兵救之假道于魏既而魏人擊之克用怒大舉
攻魏羅弘信來求救遣葛從周救魏是歲李克用封晉王
三年五月戰于洹水擒克用子落落送于魏殺之七月鳳
翔李茂貞犯京師天子出居于華州王請以兵赴難天子
優詔止之又請遷都洛陽不許四年正月龍師古克鄆州
王如鄆州以朱友裕為留後遂攻兖州朱瑾奔于淮南以
葛從周為兖州留後九月攻淮南龍師古出清口葛從周
出安甌王軍屯于宿州楊行密遣瑋先擊清口師古敗死
從周亟返兵至于泝河瑋又敗之王懼馳歸光化元年三
月天子以王兼天平軍節度使四月遣葛從周攻晉之山

東取邢洛磁三州襄州趙匡疑自其父德誼時來附匡疑
又與楊行密李克用通而其事泄七月遣氏叔宗康懷英
攻匡疑取其祕隨鄧三州

曾三異校定曰三異案唐書地理志唐
州天祐三年朱全忠從為必陽表更乞
必州則是天祐二年唐州舊名鶴在至三年始更為
必光化之初未嘗有必州之名今書為必則誤也匡疑請和乃止

十一月李罕之以潞州來降二年幽州劉仁恭攻魏羅紹

威來求救王救魏敗仁恭丁內黃四月遣氏叔琮攻晉太

原不克七月李克用取澤潞十一月保義軍亂殺其節度

使王珙推其牙將李璠為留後其將朱簡殺璠來降以簡

為保義軍節度使三年四月遣從周攻劉仁恭之滄州取

其德州及仁恭戰于老鵝堤大敗之八月晉取洛州王如

洛州復取之是時鎮定皆附于晉遂攻鎮州破臨城王諮

來送款進攻定州王郛奔于晉且將王處直以定州降唐

官者靈季述作晉天子幽于東宮天復元年正月護駕者

頭孫德昭誅李述天子復立封王為梁王遣張存敬攻王

珂于河中出含山下晉絳二州王珂求救于晉晉不能救

乃來降三月大舉攻晉氏叔琮出太行取澤潞為從周張

存敬侯言張歸厚及鎮定之兵皆會于太原圍之不克遇

雨而退五月天子以王蕙河中尹護國軍節度使六月晉

取慈隰自劉季述等已誅宰相崔胤外與梁交欲假梁兵

盡誅宦者而鳳翔李自茂亦寧王行瑜等皆遣子弟以精

兵宿衛天子宦者韓全誨等亦因恃以為助天子與胤計

事宦者屬耳頗聞之乃選美女內之宮中陰令伺察其實

父之果得胤奏謀所以誅宦者之說全誨等大懼日夜相

與涕泣思圖胤以求全胤知謀泄事急即矯為制召梁兵

入誅宦者十月王必宣武宣義天平護國兵七萬至于河
中取同州遂攻華州韓建出降全誨等聞梁王兵且至即
以岐邠宿衛兵劫天子奔于鳳翔王乃上書言胤所以召
之之意天子怒罷胤相責授工部尚書詔梁兵還鎮至引
兵去攻邠州屯于二原邠州節度使楊崇本以邠寧慶行
四州降崔胤奔于華州二年春王退軍于河中晉攻晉絳
遣朱友寧擊敗晉軍于蒲縣取汾慈隰遂圍太原不克而
還汾慈隰復入于晉四月友寧引兵西至興平及李茂貞
戰于武功大敗之王兵犯鳳翔茂貞數出戰輒敗遂圍之
十一月郵坊李周彝奔以兵救鳳翔王遣孔勣襲鄜州虜周
彝之族徙于河中周彝乃降是時岐兵屢敗而圍久城中
食盡自天子至後宮皆凍餒三年正月茂貞殺韓全誨等
二十人囊其首示於軍約天子以爲解甲天子出幸梁
軍遣使者馳召崔胤胤託疾不至王使人戲胤曰吾未識
天子懼其非是子來爲我辨之天子還至興平胤率百官
奉迎王自爲天子執轡且泣且行行十餘里止之人見者
咸以爲忠已也天子至自鳳翔素服哭于太廟而後入殺
宦者七百餘人二月甲戌天子賜王曰天再造竭忠守正
功臣以輝王祚爲諸道兵馬元帥王爲副元帥王乃留子
友倫爲護駕指揮使曾三與定曰二與案家人傳友倫乃王
兄存之子其後中書上議亦皆謂之皇姪以
爲天子衛引兵東歸天子餞于延喜樓賜楊柳枝五曲初
梁兵已西青州王師範遣其將劉鄩龍襄據梁兖州王已還
梁四月如鄆州遣朱友寧攻青州師範敗之于石樓友寧
死九月揚師厚敗青人于臨朐取其棣州師範望月州降

而鄴亦降友倫擊鞠隨馬死王怒以為在亂殺之遣朱友

謙殺胤于京師曾三與校定曰三與案家人其與友倫擊鞠者

皆殺之自天子奔華州王請遷都洛陽雖不許而王命河

南張全義修洛陽宮以待天祐元年正月王如河中遣牙

將寇彥卿如京師請遷都洛陽并徙長安居人以東天子

行至陝州王朝于行在先如東都是時六軍諸衛兵已散

亡其從以東者小黃門十數人打球供奉內園小兒等二

百餘人行至穀水王教醫官許昭遠告其謀亂悉殺而代

之然後以聞由是天子左右皆梁人矣四月甲辰天子至

自西都是時晉皇李克用岐王李茂貞楚王趙匡胤蜀王

王建吳王楊行密曾三與校定曰三與案克用本紀及茂貞傳建

行密世家皆書其在唐所授獨匡胤不書其在

天子各賜皆欲舉兵討梁王大懼六月楊崇

弼將玄暉等行弒昭宗崩十月王朝于京師殺朱友恭

氏叔琮十一月攻淮南取其光州攻壽州不克而旋二年

二月遣將玄暉殺德王裕等九王下九曲池六月殺司空

裴執藝等百餘人七月天子復使來賜王迎靈鑑紀功碑王欲

代唐使人諭諸鎮襄州趙匡胤以為不可遣揚師厚攻之

取其唐鄧復鄧隨均房七州王如襄州申于漢北九月師

厚破襄州匡胤奔于淮南師厚取荆南荆南留後趙明奔

于蜀遂出光州以攻壽州不克天子下祀天子南郊王怒

以為將玄暉等欲祈天以延唐天子懼改下郊十一月辛

巳天子封王為魏王相國檢校百揆以武宣義大平護國

天雄武順佑國河陽義武昭義武寧保義武昭武定

泰寧中盧匡國鎮國荆南忠武二十一軍為魏國備九錫
王怒不受十二月天子以王為天下兵馬元帥王益怒遣
人告樞密使蔣玄暉與何太后私通殺玄暉而焚之遂弒
太后于積善宮又殺宰相柳璨太常卿張延範車裂以徇
天子下詔以太后故停郊三年春魏州羅紹威謀殺其牙
軍來假兵以虜盧變王為發丘北攻劉仁恭之滄州兵過魏
而紹威已殺牙軍其兵之在外者果皆叛據貝衛澶博州
王以兵悉殺之遂攻滄州軍于長蘆劉仁恭求救于晉晉
人取潞州王乃旋軍

五代史記卷第一

五代史記卷第一

梁本紀二

宋歐陽脩撰徐無常注明汪文盛高濂傳文舟校

開平元年春正月壬寅天子使御史大夫薛貽矩來勞軍

宰相張文蔚率百官來勸進夏四月壬戌更名曰甲子皇

帝即位自即位以後大事則書其書非常則書其意戊辰大赦

濟陰王謂天子為唐王改元國梁封唐主為

為西郡廢京兆府為雍州州縣廢置見魏志賜東都輔一日

契丹阿保機使袍笏梅老來其秋來不言其禮不言其

楊涉為門下侍郎御史大夫薛貽矩為中書侍郎同中書門

下平章事戊寅渤海契丹遣使者來或書或不書不必備或

其變來以見夷狄之來不來也五月丁丑朔以唐相張文蔚

因其舊史之詳畧也 乙酉兄全昱為廣王子友文傅王友

諒衡王友能惠王友誨邵王甲午改樞密院為崇政院太

府御放翔為使是月潞州行營都指揮使李思安及晉貝

戰敗績我敗曰敗績或敗之之哩 六月甲寅平盧軍節度

使韓建守司徒同中書門下平章事秋七月己亥追尊祖

考為皇帝妣為皇后皇高祖諡曰宣元廟號肅祖祖妣范

氏諡曰宣僖曾祖茂林諡曰光獻廟號敬祖祖妣楊氏諡曰

光孝祖信諡曰昭武廟號憲祖祖妣劉氏諡曰昭懿考諡諡

曰文穆廟號烈祖妣王氏諡曰文惠八月丁卯同州野蠆生

生隰州黃河清於是書見不為瑞也九月括馬冬十月己未講武于敏

臺十一月壬寅赦亡命皆免刑徒於好赦之世小赦必書

二年春正月丁酉渤海遣使者來已亥十月交于西都鈺濟

陰王魏臣子之大惡也書晉濟陰王從其會書曰就正於罪名二月辛未契丹阿保機遣使者

來三月壬申朔如西都辛巳至也如往而不至之號丙子如懷州

五代亂世兵無虛日不可悉書故用兵荒賤賊攻城無得失皆不書其

命大將與天子有所如自著大事爾此如懷置者以兵方攻潞州也

丁丑如澤州戊寅封鴻臚卿李崧為國公為二王後梁書量

復為戊 壬午匡國軍節度使劉知俊為潞州行營招討使

癸巳改上郊張文蔚薨夏四月癸卯楊涉罷吏部侍郎于

兢為中書侍郎翰林學士承旨禮部侍郎張策為刑部侍

郎同中書門下平章事壬子至澤州五月己丑潞州行營

都雲侯康懷英及晉人戰于夾城敗晉軍城中立營戊戌

立唐三廟契丹遣使者來六月壬寅忠武軍節度使劉知

俊為西路行營招討使以伐岐用兵之名自四兩相攻曰攻以

自往曰征隨事為文不得不異非有褒貶也已酉殺右金吾衛上將軍王師範滅

其族書以兩相當為文丙辰劉知俊及岐人戰于莫谷敗之

秋九月丁丑如陝州以晉人攻博博王友文留守東都冬十月

丁未至白陝州十一月癸巳張策罷左僕射揚涉同中書

門下平章事十二月己亥以介國公為三恪鄜國公萊國

公為二王後

三年春正月甲戌如西都復然燈以祈福然燈風俗相傳自天

同其奢樂而風俗故之大者故錄其詔意則其失可知庚寅享于太廟辛卯有事于南郊

皇帝二月壬戌講武于西杏園甲子延州高萬興叛于岐

來降唐末之亂強弱相并或去彼來此不可為常三月辛未渤

海國王入煙巽遣使者來甲戌以高萬興降劉知山

取丹州夏四月丙午知俊克延鄜坊三州易傳曰取難得曰

五月己卯至自河中殺佑國軍節度使王重師六月庚戌

劉知俊執佑國軍節度使劉捍叛附于岐以身歸曰降以地歸

後為忠武軍節度使以同州附岐今直辛亥如陝州乙

卯其王朱友謙為同州東面行營招討使劉知俊奔于岐

丹州軍亂逐其刺史宋知誨秋七月商州軍亂逐其刺史

李稠稠奔于岐乙丑克丹州執其首惡王行思初不知首惡

襄州軍亂殺其留後王乙亥至自陝州甲申

房州刺史楊虔附于蜀八月辛亥降死罪囚

辛酉均州刺史張敬方克房州執揚虔閏月癸酉契丹遣

契丹使

契丹使

使者來已卯閱稼于西苑九月壬寅行於呂招討使左衛上

將軍陳暉克襄州執其首惡李洪命暉討亂惟其失不書曰至此始見既克而推得其首惡故

初亦且丁未保義軍節度使王檀為潞州東面行營招討使

辛亥韓建揚涉罷太常卿趙光逢為中書侍郎翰林學士

承旨工部侍郎杜曉為戶部侍郎同中書門下平章事辛

酉李洪揚虔伏誅冬十一月甲午日南至吉謝于南郊鋪

鎮國軍節度使康懷英伐岐十二月懷英克寧慶衍三州

及劉知俊戰于升平敗績

四年春正月壬辰朔始用樂自唐末之亂禮樂亡丁未講武至此始用樂故書

于榆林二月己丑閱稼于穀水秋八月丙寅如陝州以岐人

夏州可南尹張宗顏留守西都辛未護國軍節度使易師

厚為田路行營招討使以伐岐九月己丑至自陝州辛亥

搜訪賢良冬十一月己丑寧國軍節度使王景仁為北面

行營招討使以伐趙趙王王鎰北平王王處直叛附于晉

晉人救趙十二月癸酉頒律令格式

乾化元年春正月丁亥王景仁及晉人戰于栢鄉敗績庚

寅赦流罪以下囚求危言正諫癸巳天柱軍節度使楊師

厚為北面行營招討使夏四月壬申契丹阿保機遣使者

來五月甲申朔大赦改元癸巳辛張宗奭第秋八月戊辰

閱稼于榆林渤海遣使者來戊寅大閱于興安鞠場九月

辛巳朔御文明殿入閣御殿而云入閣錄其不書曰之見禮失

書必見其庚子如魏州以晉人攻張宗奭留守西都冬十月丙

子大閱于魏東郊十一月高萬興取鹽州壬辰至自魏州

乙未回鶻吐蕃遣使者來

二年春二月丁巳光祿卿盧珽使于蜀甲子如魏州亦名晉

定改相張宗奭留守西都次白馬殺左散騎常侍孫騰右諫

議大夫張衍兵部郎中張雋戊寅如貝州三月丙戌屠棗

彊書名者其丁未復如魏州夏四月己巳至自魏州不書則

此至東戊寅如西都五月丁亥德音降死罪已下囚德音赦之

本名必能後徒柱厲有及捕生渤海遣使者來是月薛貽矩薨

六月疾革郢王友珪反按者皆此而附彼偽臣於人也及自下而謀上

有不得而日反非一朝一夕戊寅晉王帝昺崩年六十一不書出崩處以異於得

不能得其日故反者皆不日戊寅晉王帝昺崩其終者乾化二年十一月友珪

葬之河南伊闕縣縣號宣陵以不得其死故不書葬

嗚呼天下之惡梁久矣自後唐以來皆以為偽也至于諭

次五代獨不為梁議者或譏予大失春秋之旨以謂梁負

大惡當加誅絕而及進之是將篡也非春秋之志也予應

之曰是春秋之志爾魚目公弒隱公而自立者宣公弒子

赤而自立者鄭厲公逐世子忽而自立者衛公孫剽逐其

君弒而自立者聖人於春秋皆不絕其為君此予所以不

為梁者用春秋之法也然則春秋亦絕其為君乎曰惟不絕四

者之為君於此見春秋之意也聖人之於春秋用意深故

能勸戒切為言信然後善惡明夫欲著其罪於後世在乎

不沒其實其實當身為君其書其為君其實實也書其篡

各傳其實而使後世信之則四君之罪不可得而掩爾使

為君者不得掩其惡然後人知惡名不可逃則為惡者庶

乎其自美是謂用意深而勸戒切為言信而善惡明也桀

誅絕之者不害其優美善惡之旨也惟不沒其實以著其罪而信乎後世與其為君而不得掩其惡以息人之為惡能知春秋之此意然後知予不偽梁之旨也

五代史記卷第二

梁本紀三

宋歐陽脩撰徐無黨注明汪文盛高濂傅汝舟校

末帝太祖第二子友貞也

末非諡號從其本語

為美容貌沈厚寡言

雅好儒士太祖即位封均王為左天興軍使東京馬步軍都指揮使乾化二年六月太祖遇弒友珪自立殺博王友文以弒帝之罪歸之以王為東京留守後開封尹敬翔為中書侍郎同中書門下平章事戶部尚書李振為崇政院使明年友珪改元曰鳳曆二月駙馬都尉趙巖擊東都王私與之語遣馬橫交之魏州見楊師厚計事師厚遣小校王惟賢至洛陽告左龍虎統軍袁象先使討賊是時懷州龍驤屯兵叛方捕索之王乃偽為友珪詔筆具發左右龍驤在東都者皆還洛陽因激怒之曰天子以懷州屯兵叛追汝

等欲盡坑之諸將皆泣莫知所為王曰先皇帝經營王業三十餘年今日尚為友珪所殺汝等安所逃死乎因出太祖畫像示諸將而泣曰汝能趨洛陽擒逆賊則轉禍為福矣軍士皆呼萬歲請王為主王乃遣人趣象先等與象先等以兵討賊友珪死杜曉見殺象先遣趙巖特傳國寶至東都請王入洛陽王報曰夷門太祖所以興王業也此拒并汾東至淮海國家藩鎮多在東方不可將出師利於便近是月皇帝即位于東都即位大事失其日而書是月復見亂之甚於東都終上文也復稱乾化三年復博王友文官爵三月丁未更名鐸夏五月楊師厚取涇州秋九月甲辰御史大夫姚洎為中書侍郎同中書門下平章事冬十二月晉人取幽州

夏四月丁丑賊于兢為來州司馬武寧軍節度使將厥及天平軍節度使牛存節討之

貞明元年春正月存節克徐州將殺白幡死故不書伏誅三月丁卯趙光逢罷平虜軍節度使賀德倫為天雄軍節度使命官不書非常

而有故則書此書為天雄軍亂張本今其相溫衛州為昭德軍宣徽使張鈞為節度使己丑天雄軍亂賀德倫叛附于晉軍亂書首惡不書而書德倫獨有其罪深也德倫不引如以首惡而可責其不死以張彥質首惡而累不書彥質微者德倫可以誅而不誅故以德倫獨有其罪邠州李保衡叛于岐來附夏六月庚寅朔晉日王

李存勗助入于魏州遂取德州冬十月辛亥康王友孜反伏誅反者不日誅反者有日故書十一月乙丑改元耀州溫昭圖叛于岐

來附是歲更名瑱其舊史失其日月

二年春二月丙申楊涉罷三月鎮南軍節度使劉鄩及晉

人戰于故元城敗績奔于滑州晉人取衛州惠州捉生都

將李嗣安伏誅夏六月捉生都將張温叛降于晉秋七月

晉人取相州張筠奔于京師安國軍節度使閻寶叛附于

晉八月丁酉太子太保致仕趙光逢為司空兼門下侍郎

同中書門下平章事九月晉人取滄州橫海軍節度使戴

思遠奔于京師晉人克貝州守將張源德死之書死得冬其死也

十月丁酉中書侍郎鄭珣同中書門下平章事

三年夏四月辛卯右千牛衛大將軍劉瑛使于契丹冬十

二月宣義軍節度使賀瓌為北面行營招討使己巳如西

都上郊晉人取揚劉

四年正月不克郊己卯至自西都夏四月己酉尚書吏部

侍郎蕭瑒為中書侍郎同中書門下平章事己巳趙光逢

罷冬十二月庚子朔賀瓌殺其將謝章蓋審登矣温公

癸亥瑒及晉人單于胡柳敗績是歲秦寧軍節度使張守

進叛于晉高州團練使劉鄩為兖州安撫制置使以討之

舊史不詳其日月故書丁歲未為明年兖州張守

五年春正月晉軍于德勝用兵無嫌敗不書此梁晉得失所繫故書也秋八月乙

未朔開封尹王瓚為北面行營招討使冬十月劉鄩克兖

州張守進伏誅十二月晉人取濮陽天平軍節度使霍彦

威為北面行營招討使

六年夏四月己亥降死罪以下囚乙巳尚書左丞李琪為

中書侍郎同中書門下平章事河中節度使朱友謙龍同

州殺其節度使程全暉叛附于晉秦寧軍節度使劉鄩討

之秋七月陳州妖賊毋乙自稱天子九月唐高祖供奉官郎

公遠為劫人舟歡好使冬十月毋乙伏誅

龍德元年春趙將張文禮殺其君鎔來乞師不許文禮初為

王德明此書張文禮者以雜史也二月丁亥朔禁私度僧尼陳州刺史惠王友

能反夏五月丙戌朔德音改元降流罪已下囚秋赦友能

降封房陵侯天平軍節度使戴思遠為北面行營招討使

冬十月思遠及晉人戰于戚城敗績

二年春正月思遠罷魏州取成安秋八月滑州兵馬留後

段凝攻衛州執其刺史李存儒戴思遠克淇門共城新鄉

三年春三月潞州李繼韜叛于晉來附夏閏四月唐人取

鄆州晉末即位已自與梁為敵因全其建號於梁無所五月庚申宣

義軍節度使王彥章為北面行營招討使取德勝南城秋

八月段凝為北面行營招討使先鋒將康延孝叛降于唐

冬十月甲戌宣義軍節度使王彥章及唐人戰于中都敗

績死之唐書彥章使唐彥章及唐人戰于中都敗績死之使而與唐戰蓋羅使而別將以戰也唐人取曹州盜

竊傳國寶奔于唐戊寅皇帝崩唐書曰梁亡見唐莊宗梁亡

立稱唐十月梁始亡見唐不待城梁而立

五代史記卷第三

五代史記卷第四

唐本紀四

宋歐陽脩撰徐無黨請明凌盛高濂傳汝舟校

莊宗光聖神閔孝皇帝其先本號朱邪蓋出於西突厥至其後世別自號曰沙陀而以朱邪為姓唐德宗時有朱邪盡忠者居於北庭之金滿州貞元中吐蕃替普攻陷北庭徙盡忠於其州而後屬之其後替普為回鶻所敗盡忠與其子執宜東走替普怒追之及于石門關盡忠戰死執宜獨走歸唐居之鹽州以隸河西節度使范希朝希朝徙鎮太原執宜從之居之定襄神武川之新城其部落萬騎皆驍勇善騎射號沙陀軍執宜死其子曰赤心懿宗咸通十年神策大將軍康承訓統十八將討龐勛於徐州以朱邪赤心為太原行營招討沙陀三部落軍使以從破勛功拜

五代史記

唐本紀四

單于大都護振武軍節度使賜姓名曰李國昌以之屬籍
沙陀素彊而國昌恃功益橫恣懿宗患之十二年徙國昌
雲州刺史大同軍防禦使國昌稱疾拒命國昌子克用尤
善騎射能中雙鳧為雲州守捉使國昌已拒命克用乃
殺大同軍防禦使段文楚據雲州自稱留後唐以太僕卿
盧簡方為振武節度使會幽并兵討之簡方行至鳳州軍
潰由是沙陀侵掠代北為邊患矣明年僖宗即位以謂前
太原節度使李業遇沙陀有恩而業已死乃以其子鈞為
靈武節度使宣慰沙陀六州二部落使六州三部各皆不見其名處據唐書除使
有此以招緝之拜克用大同軍防禦使居久之國昌出擊党
項吐渾赫連鐸襲破振武克用聞之自雲州往迎國昌而
雲州人亦閉關拒之國昌父子無所歸因掠蔚朔間得兵
三千國昌入保蔚州克用還掠新城信安并鐸大同軍

使以李鈞為代州招討使以討沙陀乾符五年沙陀破遮
虜軍又破崞嵐軍而唐兵數敗沙陀由此益熾北據蔚朔
南侵忻代嵐石至于大谷馬廣明年招討使李琢會幽
州李可舉雲州赫連鐸擊沙陀克用與可舉相距雄武軍
其叔父友金以蔚朔州降于琢克用聞之遽還可舉追至
藥兒嶺大敗之琢軍夾擊又敗之于蔚州沙陀大潰克用
父子亡入達勒克用少驍勇軍中號曰李鷄兒其一目眇
及其實也又號獨眼龍其威名著於代北其在達勒人之
鬱鬱不得志又常懼其圖因時時從其群豪歛獮或掛
針于木或立馬鞭自少歟之輒中群豪皆服以為神黃巢
已陷京師中和五年代北起軍使陳京與發沙陀先所降

者與吐渾安慶等萬人赴京師行至絳州沙陀軍亂大掠而還景思念沙陀非克用不可將乃以詔書召克用於達
鞞承制以為代州刺史鴈門以此行營節度使率蕃漢萬人出石口領關過太原求發軍錢節度使鄭從諱與之錢十
緡米千石克用怒縱兵大掠而還二年十一月景思克用
復以步騎萬七千赴京師三年正月出于河中進屯乾坑
巢黨驚馬三頭見軍至夫二月敗巢黨與鄴於右隄谷三月
又敗趙璋尚讓於良田坡橫尸二十里是時諸鎮兵皆會
長安大戰渭橋賊敗走入城克用乘勝追之自光泰門先
入戰春宮昇陽殿巢敗南走出藍田關京師平克用功第
一天子拜克用檢校司空同中書門下平章事河東節度
使以國昌為偽明以此行營節度使十月國昌卒十一月
遭其弟克脩攻昭義孟方立取其澤潞二州方立走山東

以邢洛磁三州自別為昭義軍昭義軍在唐時跨山東西管五州至是澤潞入于晉邢洛

磁孟氏據之故當時有兩昭義黃巢南走至蔡州降秦宗權遂攻陳州四年

克用以兵五萬救陳州出天井關假道河陽諸葛爽不許

乃自河中渡河四月敗尚讓於太康又敗黃鄴于西華巢

且走且戰至中牟臨河未渡而克用追及之賊眾驚潰北

至封丘又敗之巢脫身走克用追之一日夜馳三百里至

于冤响不及而還過汴州休軍封禪寺朱全忠饗食克用於

上源驛夜酒罷克用醉卧伏兵發火起侍者郭景銖滅燭

匿克用牀下以水醒面而告口以難會天大雨滅火克用得

從者薛鐵山智回鵬等隨雷光絕尉氏門出還軍中七月

至于太原訟其事于京師請加兵於汴遣第克脩將兵萬

人

人屯于河中以待僖宗和解之用破巢功封克用隴西郡
王光啓元年河中王重榮與宦者田令孜有隙徙重榮交
州以定州王處存為河中節度使詔克用以兵護處存之
鎮克用不懼重榮使人給克用曰天子詔重榮俟克用至
與處存共誅之因為詔書示克用曰此朱全忠之謀也
克用信之八上表請討全忠僖宗不許克用大怒重榮既
不肯徙僖宗遣邠州朱玫鳳翔李昌符討之克用反以兵
助重榮敗玫于沙苑遂犯京師縱火大掠天子出居于興
元克用退屯河中朱玫亦反以兵追天子不及留侍襄王煜
迫之稱帝屯于鳳翔僖宗念獨克用可以破玫而不能使
也當破黃巢長安時天下兵馬都監揚復恭與克用善乃
遣諫議大夫劉崇望以詔書召克用且道復恭意使進兵
言致等克用陽諾而不行明年孟方立死弟遷立大順元
年克用擊破孟遷取邢洛滋三州乃遣安金俊攻赫連鐸
於雲州幽州李匡威救鐸戰於蔚州金俊大敗於是匡威
鐸及朱全忠等皆請因其敗伐之昭宗以克用破黃巢功
高不可伐下其事高至省四品官議議者多言不可宰相張
濬獨以謂沙陀前逼僖宗幸與元罪當誅可伐軍容使楊
復恭克用所善也亦極諫以為不可昭宗然之詔諭全忠
等全忠陰賂濬使持其議詔昭宗不得已以濬為太原
四面行營兵馬都統韓建為副使是時潞州將馮霸叛降
于梁梁遣高從周入潞州唐以弟北尹孫揆為昭義軍節
度使克用遣李存孝執揆于長子又遣康君立取潞州十
一月濬及克用戰于陰地濬軍三戰三敗濬建逃歸克用

兵大掠晉絳至于河中赤地千里克用上表自訴其辭慢侮天子為之引咎優詔翌之二年二月復拜克用河東節度使罷西郡王加檢校太師兼中書令四月攻赫連鐸于雲州圍之百餘日鐸走吐渾八月太鬼于太原出晉絳掠懷孟至于邢州遂攻王鎔于鎮州克用柵常山西以十餘騎渡滹沱覘敵遇大雨平地水深數尺鎮人襲之克用匿林中禱其馬曰吾世有太原者馬不嘶馬偶不嘶以免前軍李存孝取臨城進攻元氏李匡威救鎔克用還軍邢州景福元年王鎔攻邢州李存信李嗣勳等敗鎔于堯山二月會王處存攻鎔戰于新市為鎔所敗八月李匡威攻雲州以牽克用之兵克用潛入于雲州返出擊匡威匡威敗走十月李存孝以邢州叛二年存孝求援於王鎔克用出兵并陘擊鎔且以書招鎔而急攻其平山鎔懼遂與克用通和獻帛五十萬匹出兵助攻邢州乾寧元年三月執存孝殺之冬攻幽州李匡儔弃城走追至景城見殺以劉仁恭為留後二年河中王重盈卒其諸子珂珙爭立克用請立珂鳳翔李茂貞邠寧王行瑜華州韓建請立珙昭宗初兩難之乃以宰相崔胤為河中節度使既而許克用立珂茂貞等怒三鎮兵犯京師聞克用亦起兵六皆罷去六月克用攻絳州斬刺史王瑤瑤珙弟助珙以爭者七月至于河中同州王行約奔于京師陽言曰沙陀士萬至矣謀奉天子幸邠州茂貞假子闡圭亦謀劫幸鳳翔京師大亂昭宗出居于石門克用留月餘不進昭宗遣延王戒不丹王允兄弟事克用且告急八月克用進軍渭橋以為邠寧四

面行營都統昭宗還京師十一月克用擊破邠州王行瑜
走至慶州見殺克用還軍雲陽請擊茂貞昭宗慰勞克用
使與茂貞解仇以紓難拜克用忠正平難功臣封晉王是
時晉軍渭北遇雨六十日或勸克用入朝克用未決都押
衙蓋寓曰天子遠自石門寢朱安席若晉兵渡渭人情豈
復能安勤王而已何必朝哉克用笑曰蓋寓猶不信我况天
下乎乃收軍而還三年正月昭宗復以張濬為相克用曰
此朱全忠之謀也乃上表曰若陛下朝以濬為相則臣將
暮至闕廷京師大恐濬命遽止朱全忠之攻兗鄆也克用
遣李存信假道魏州以救朱宣等存信屯莘縣軍士侵
掠魏境羅弘信伏兵攻之存信敗走洛州克用自將擊魏
戰于洹水亡其子落落六月破魏成安洹水臨漳等十餘
邑十月又敗魏人于白龍潭進攻魏人全忠救至乃解
四年劉仁恭叛晉克用以兵五萬擊仁恭戰于安塞克用
大敗光化元年朱全忠遣葛從周攻邠洛磁三州克用
遣周德威出青山口遇從周于張公橋德威大敗之潞州
守將薛志勣卒李罕之據潞州叛附于朱全忠二年全忠
遣氏叔琮攻破承天軍又破遼州至十榆次周德威敗之
于洞渦秋季嗣昭復取澤潞三年嗣昭敗于沙河復
取洛州朱全忠自將圍之嗣昭走至青山口遇汴伏兵嗣
昭大敗秋嗣昭取懷州是歲汴人攻鎮定鎮定皆絕晉以
附于朱全忠天復元年全忠封梁王梁攻下貴絳河中執
王珂以歸晉失三與國乃下意為書幣聘梁以求和梁王
以為晉弱可取乃曰晉雖請盟而書辭慢因大舉擊晉四

月氏叔琮入天井張文敬入新口葛從周入土門王處直
入飛狐侯言入陰地叔琮取澤潞其別將白奉國破承天
軍遼州守將張鄂汾州守將李瑋皆迎梁軍降晉人大懼
會天大雨霖梁兵多疾皆解去五月晉復取汾州誅李瑋
六月周德威李嗣昭取慈隰二年進攻晉絳大敗于蒲縣
梁軍乘勝破汾慈隰三州遂圍太原克用大懼謀出奔雲
州又欲奔匈奴未決而梁軍大疫解去周德威復取汾慈
隰三州四年梁遷唐都於洛陽改元曰天祐克用以謂劫
天子以遷都者梁也天祐非唐號不可稱乃仍稱天復五
年會契丹阿保機於雲中約為兄弟六年梁攻燕滄州燕
王劉仁恭來乞師克用恨仁恭反覆欲不許其子存勗諫
曰此吾復振之時也今天下之勢歸梁者十七八疆如趙
魏中山莫不聽命是自河以北無為梁患者其所憚者惟
我與仁恭耳若燕晉合勢非梁之福也夫為天下者不顧
小怨且彼常困我而我急其難可因以德而懷之是謂一
舉而兩得此不可失之機也克用以為然乃為燕出兵攻
破潞州梁圍乃解大梁子嗣昭為潞州留後七年梁兵十
萬攻潞州圍以夾城遣周德威救潞州軍于亂柳冬克用
疾是歲梁滅唐克用復稱天祐四年正月辛卯克用卒年
五十二子存勗立葬克用於鴈鵠

嗚呼世久而失其傳者多矣晉書魏官之謬哉李氏之先
蓋出於西突厥本號朱邪今其後世別自號曰沙陀而以
朱邪為姓按野古為始祖其自序云沙陀者北庭之磧也
當唐太宗時破西突厥諸部分同羅僕骨之人於此磧置

沙陀府而以其始祖拔野古為都督其傳子孫數世皆為沙陀都督故其後世因自號沙陀然予考于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅為龜林都督府僕骨為金微都督府拔野古為幽陵都督府未嘗有沙陀府也當是時西突厥有鐵勒薛延陀阿史那之類為最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至顯宗永徽二年處月朱邪孤注從賀魯戰于牛山為契苾何力所敗遂沒不見後百五十年當憲宗時有朱邪盡忠及子執宜見於中國而自號沙陀以朱邪為姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏後大而夷狄之人遂以沙陀為貴種云

五代史記卷第五

唐本紀五

宋歐陽脩撰徐無黨注明汪文盛高濂傳汝舟校

存勗克用長子也初克用破孟方立于邢州還軍上黨置酒三垂崗伶人奏百年歌至于衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此竒兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鷄鵝后非羽翠盤而撫其背曰兒有竒表後當富貴無忘予家及長善騎射膽勇過人稍習春秋通大義九言音聲歌舞俳優之戲天祐五年正月即王位于太原叔父克寧殺都盧侯李存質倖臣史敬鎔告克寧謀叛二月執而戕之且以先王之喪叔父之難告周德威德威自亂擲還軍

太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能為也宜乘其怠擊之乃出兵趨上黨行至三垂崗數曰此先王置酒處也會日大霧書曰順兵行霧中攻其夾城破之梁軍大敗凱旋告廟九月蜀王王建岐王李茂貞及楊崇本攻梁大安晉亦遣周德威攻其晉州敗梁軍于神山六年劉知俊叛梁來乞師王自將至陰地關遣周德威攻晉州敗梁軍于蒙阮七年冬梁遣王景仁攻趙趙王王鎔來乞師請將皆疑鎔詐未可出兵王不聽乃救趙王王鎔來乞師請將皆疑斬首二萬級獲其將校三百人馬三千匹進攻邢州不下留兵圍之去攻魏別遣周德威徇梁夏津高唐攻博州破東武朝城遂擊黎陽臨河淇門掠新鄉共城燕王劉守光聞晉攻梁深入乃大治器械言以晉王患之乃旋師七月會趙王王鎔于水人中劉守光稱帝于燕九年正月遣周德威會劉守光攻邢守光求救於梁梁軍攻趙屠東陽李存密擊于走之八月朱友誦以河中叛于梁來降梁遣康懷英討友誦友誦復臣于梁而亦陰附于晉十年十月劉守光請降王如幽州守光背約不降攻破之十一年殺燕王劉守光于太原用其父仁恭于鴈門劉守光於晉是趙王王鎔比平王王處直奉冊推上為尚書令始建行書室七月攻梁邢州戰于張公橋晉軍大敗十二年魏州軍亂智德倫以魏博二州叛于梁來附王入魏州行至永濟誅其亂首張彥以其兵五百自衛號帳前銀鎗軍六月王無領魏博節度使取德州七月取澶州劉郭軍于洹水王率百騎覘其

營遇郭伏兵圍之數重決圍而出亡七八騎八月梁復取
澶州晉軍與郭對壘于莘晉軍數挑戰郭閉壁不出十三
年正月王留李存審于莘聲言西歸郭聞晉王且去即引
兵擊魏攻城東王行至貝州返擊郭大敗之追至于故元
城又敗之郭走黎陽三月攻梁衛州降其刺史來昭克礪
州殺其刺史靳昭四月克洛州八月圍邢州降其節度使
閻寶其弟張筠奔相州賊由遠奔滄州而逃遂取二州貝州
人殺梁守將張源德以城降契丹寇蔚州執振武節度使
李嗣本十四年契丹寇新州遂寇幽州李嗣源擊走之冬
梁謝彥章軍于楊劉十二月攻楊劉王自負芻以堙漸去遂
破之十五年正月梁晉相拒于楊劉彥章決河水以隔晉
軍六月渡水擊彥章破其四寨八月大閱于魏合盧龍橫
海昭義安國及鎮定之兵十萬馬萬匹軍于麻家渡謝彥
章軍于行臺十二月進軍臨滌梁軍追之戰于胡柳晉軍
大敗周德威死之梁軍暮休于土山晉軍復擊大敗之遂
軍德勝為夾寨十六年正月王無領盧龍軍節度使梁王
瓚攻德勝商城不克十月廣德勝北城十一月敗梁軍于
河南十七年朱友謙龍谷同州沙道劉鄩擊友謙李存審敗
梁軍于同州十八年正月魏州僧傳真獻唐受命寶一趙
將張文禮弒其君銘文禮來請命二月以文禮為鎮州兵
馬留後三月河中節度使朱友謙昭義軍節度使李嗣昭
橫海軍節度使李存審武軍節度使王處直安國軍節
度使李嗣源鎮州兵馬留後張文禮領天平軍節度使閻
寶大同軍節度使李存璋振武軍節度使李存進匡國軍

節度使朱令德請王即皇帝位王三辭友謙等三請王曰
予當思之八月遣趙王王鎔故將符習及閻寶史建瑄等
攻張文禮於鎮州建瑄取趙州張文禮卒其子處瑾門城
拒守九月建瑄戰死十月梁戴思遠攻德勝北城李嗣源
敗之于戚城王處直叛附于契丹其子都幽處直以來附
十二月契丹寇涿州遂寇定州十九年正月敗契丹于新
城望都追奔至于幽州三月閻寶敗于鎮州以李嗣昭代
之四月嗣昭戰死以李存進代之八月梁取衛州九月存
進敗鎮人于凍垣存進戰死十月李存審克鎮州王兼領
成德軍節度使

同光元年春三月李繼韜以潞州叛附于梁夏四月己巳
皇帝即位大赦改元國號唐行臺左丞相盧革為門下

侍郎右丞相盧程為中書侍郎同中書門下平章事

使郭崇韜昭義監軍張居翰為樞密使樞密使唐故以宦者為之其職其微至此始參用士人而與宰相推以魏州為東京太原為西京鎮州為北

都閏月追尊祖考為皇帝妣為皇后曾祖執宜祖妣崔氏

皆謚曰昭烈廟號懿祖祖國曰昌祖妣秦氏皆謚曰文景朝

號獻祖考謚曰武廟號太祖高祖太宗

懿宗昭宗為七廟追尊祖考則古廟可知故自不書廟此書者以

壬寅李嗣源取鄆州後唐太祖嘗義兒軍如李嗣昭等皆其初皆

賜姓名爾不以子書也與友文從阿典五月辛酉梁人取德勝南城六月及王彥

章戰于新壘敗之是月盧程罷秋八月梁人克澤州

晉梁初已得澤州至此又屬晉而梁克之中國不有晉晉州年

裴約死之九月戊辰李嗣源及王彥章戰于漣坊敗之冬

五代史卷五十五 唐紀五十五 四

十月壬申如鄆州以襲梁其不備疾馳而入之故甲戌取中

都丁丑取曹州已卯滅梁敬翔自殺梁敬翔自為梁臣梁所以亡也

死罪囚流已下原之十一月乙巳復北都為鎮州太原為

北都丙辰復汴州為宣武軍丁巳尚書左丞趙光胤為中

書侍郎禮部侍郎韋說同中書門下平章事戊午新羅國

王金朴英遣使者來辛酉復永平軍為西都甲子如洛京

弟繼達殺其兄繼儒于潞州繼儒以被殺書非不予其死若繼連

同壬辰敗于伊闕

二年春正月河南尹張全義及諸鎮進暖殿物已酉求唐

官者凡書過亞亞無無過者庚戌新羅國王王金朴英及其

州節度使王逢規皆遣使者來乙卯勅海國王本諱讓使

大禹謨來庚申如河陽盧程奉冊為大禹謨母也莊宗即位遣

繫辛酉至自河陽丁卯七廟神主至自太原祔于太廟朝

獻于太微宮戊辰享于太廟二月己巳朔有事于南郊大

赦癸酉君羣臣上尊號曰昭文睿武光孝皇帝戊寅幸李嗣

源第癸未立劉氏為皇后五代立一君之後者七廟有不同立得其正

洛南郊立仗軍士等功臣庚申工部郎中李塗為檢視諸

陵使唐諸帝陵也路州將楊立文夏五月壬寅教坊使陳俊為

景州刺史內園栽接使儲德源為憲州刺史命官不書此丙

辰渤海國王大諱讓遣使者來丙寅李嗣源克路州不書命

與得正同爾無褒貶也二月己酉党項來庚戌賜從平汴州及入

直曰立其氏為皇后也

與得正同爾無褒貶也

與得正同爾無褒貶也

六月丙子楊立伏誅己丑封回紇王仁美為英義可汗

秋七月己酉如雷山賽大神庚秋之八月大雨霖河溢九月

壬子置水于城門以懷焚惑本紀書實不書異災惑為置水非

三男子此亦變異而書者重人事故謹之後世十一月癸卯改于

伊闕丙午至自伊闕書至見其留丁巳回鶻使都督安季想

來十二月庚午及皇后幸張全義第

三年春正月庚子如東京毀即位壇為鞠場二月己巳聚

鞠于新場乙亥朕鴈于王茨河辛巳突厥渾解樓勃海國

王大譴讓皆遣使者來朕鴈于北郊乙酉朕鴨于郭汜庚

寅朕鴈于北郊三月乙未寒食均燕于西郊俚俗之祭也庚

申至自東京辛酉改東京為鄴都洛京為東都夏四月

乙亥及皇后幸郭崇韜朱漢賓第皇唐帝崩光胤薨五月

丁酉皇太妃薨廢朝五日太后崩及廢朝五日為廢朝五日己酉黑

水女直皆遣使者來六月辛未宗正卿李紇為昭宗少帝

改卜園陵使唐高祖葬於乾陵括馬秋七月壬寅與皇

太后崩不書崩自去八月癸未殺河南縣令羅貫九月庚子

魏王繼岌為西川四面行營都統郭崇韜為招討使以伐

蜀自六月雨至于是月丁巳朕鴈于尖山冬十月壬午奚

吐渾突厥皆遣使者來戊子葬貞簡太后于坤陵十一月

丁未高麗遣使者來己酉蜀王衍降唐兵入蜀不攻不戰君臣迎

殺降殺衍為郭崇韜殺王宗弼及其弟宗滙宗訓滅其族十二月

己卯改于白沙癸未至自白沙閏月辛亥封弟存美為邕

唐史紀事

王存霸永王存禮薛王存渥申王存乂睦王存確通王存紀雅王

四年春正月壬戌降死罪以下囚甲子魏王繼岌殺郭崇

韜及其三子于蜀實皇后劉氏作教與繼岌使殺崇韜而書繼岌後者繼岌將兵在外后教非天子命可止而不也

戊寅契丹使梅老鞋里來庚辰殺其弟睦王存乂及河中

護國軍節度使李繼麟滅其族乙酉沙州曹義金遣使者

來丙戌回鶻阿咄欲遣使者來丁亥殺李繼麟之將史武

薛敬容周唐殷楊師太王景來仁白奉國皆滅其族二月

己丑宣徽南院使李紹宏為樞密使癸巳鄴都軍將趙在

禮及于貝州反者此日不日德也甲午敗于冷泉趙在禮陷鄴都

武寧軍節度使李紹崇討之邢州軍將趙太及東北面招

討使李紹直討之甲辰成德軍節度使李嗣源討趙在禮

三月趙太伏誅李嗣源友博州守將崔建自稱刺史甲子

殺王衍滅其八族其不降而殺之又滅其族於殺非罪也乙丑如

汴州壬申次榮澤節度使姚彦溫以前鋒軍叛降于

李嗣源嗣源入于汴州甲戌至自萬勝帝至萬勝鎮開闢從

馬直指揮使郭從謙反夏四月丁亥朔皇帝崩年四十三帝尸

宗入洛得其骨天咸元年七月葬之河南新安縣號

雍陵至晉避廟號更曰伊陵其不書葬與梁太祖同

五代史記卷第五

五代史記

卷第五

二

五代史記卷第六

唐本紀六

宋歐陽脩撰徐無黨注明汪文盛尚濬傳汝舟校

明宗聖德和武欽孝皇帝世本夷狄無姓氏父霓為鴈門部將生子邈信烈以騎射事太祖為人質厚寡言執事恭謹太祖養以為子賜名嗣源梁攻兗鄆朱宣朱瑾來乞師太祖遣李存信將兵三萬救之存信留莘縣不進使嗣源別以兵二千先擊梁兵梁兵解去存信留莘縣久之為羅弘信所襲存信敗走嗣源獨殿而還太祖以嗣源所將騎五百號橫衝都光化三年李嗣昭攻梁邢洛出青山遇葛從周兵嗣昭大敗走梁兵追之嗣源從間道後至謂嗣昭曰為公一戰乃解鞍礪鏃滿高為陣左右指畫梁追兵望之莫測嗣源急呼曰吾取葛公士卒可無動乃馳騎犯之

出入奮擊嗣昭繼進梁兵解去嗣源身中四矢太祖解衣賜藥以勞之由是李橫衝各重四方梁晉相拒于相鄉梁龍驤軍以赤白馬為兩陣旗幟鎧仗皆如馬色晉兵望之皆懼莊宗舉鍾以飲嗣源曰卿望梁家赤白馬想乎雖吾亦怯也嗣源笑曰有其表爾豈日歸吾廐也莊宗大喜曰卿當以氣吞之因舉鍾飲酣盡馳騎犯其白馬挾二裨將而還梁兵敗以功拜代州刺史莊宗攻劉守光嗣源及李嗣昭將兵三萬別出飛狐定山後取武媯儒三州莊宗已平魏州因徇下磁相拜相州刺史昭德軍節度使久之徙鎮安國契丹攻幽州莊宗遣嗣源與閻寶等擊走之同光元年徙鎮橫海是時梁唐相拒于河上李繼韜以潞州叛降梁莊宗有憂色召嗣源帳中謂曰繼韜以上黨降梁而梁方急攻澤州吾出不意攻其鄆州以繼梁右臂可乎嗣源對曰夾河之兵久矣苟非出奇則入計不決臣請獨當之乃以步騎五千涉濟至鄆州鄆人無備遂襲破之即拜天平軍節度使蕃漢馬步軍副總管梁軍攻破德勝南柵莊宗退保楊劉王彥章急攻鄆州莊宗悉軍救之嗣源為前鋒擊敗梁軍追至中都擒彥章及梁監軍張漢傑彥章雖敗而段凝悉將梁兵屯河上莊宗未知所嚮諸將多言乘勝以取青齊嗣源曰彥章之敗疑猶未知使其聞之遲疑定計亦須三日縱使料吾所向亟發救兵必渡黎陽數萬之衆舟楫非一日具也此去汴州不數百里前無險阻方陣而行信伯可至汴州已破段凝豈足顧哉而郭崇韜亦勸莊宗入汴莊宗以為然遣嗣源以千騎先至汴攻

封丘門王瓚開門降莊宗後至見嗣源大喜手攬其衣以頭觸之曰天下與爾共之拜中書令二年莊宗祀大南郊賜以鐵券五月破楊立于潞州六月徙鎮宣武兼蕃漢內外馬步軍總管冬契丹侵漁陽嗣源敗之于涿州三年徙鎮成德莊宗幸鄴請朝行在不許貞簡太后疾請入省又不許太后崩請赴山陵許之而契丹侵邊乃止十二月遂朝于洛陽

天成元年實同光四年而書天成元年者大赦改元文見下可知莊宗本紀自書同光四年各從其所稱既曰改元不嫌二號也郭崇韜未友謙皆以讒死嗣源以名位高亦見疑忌趙

在禮及於魏大臣皆請遣嗣源討賊莊宗不許羣臣屢請莊宗不得已遣之三月壬子嗣源至魏屯御河南在禮登樓謝罪申寅軍變嗣源入于魏與在禮合夕出止魏縣丁

以其兵南遣石敬瑭將二百騎為先鋒嗣源行過鉅鹿掠小坊馬二千匹以兵四軍壬申入汴州四月丁亥莊宗崩已丑入洛陽甲午監國朝羣臣于興聖宮乙未中門使安重誨為樞密使殺元行欽及租庸使孔謙壬寅左驍衛大將軍孔循為樞密使丙午始奠于西宮日始奠見其緩也自巳

皇帝即位于柩前禮前即位謂君之禮也及逆之臣自立而用嗣君之書其實者見其猶存自愧禮書從其質而不變文者若先已書及正其罪矣此之心而欲逃大惡之名也日勿斬縶以衣自穿既用嗣君之禮矣縶縶子魏王繼岌及勳多託其罪為名及即位時莊宗元子猶在則其基斷矣

寅大赦改元渤海國王大諱譔使大陳林來是月張居翰罷五月丙辰朔太子賓客鄭珪工部尚書任圜為中書侍郎同中書門下平章事戊辰趙在禮為義成軍節度使

始亂宜誅而明宗因之以反命以方鎮報其功也故書六月丁酉汴州控鶴軍亂指揮使張

甲

禮

張

張

諫殺其權知州事高遜已多諫伏誅秋七月庚申安重誨

殺殺直馬延于御史臺門御史臺所以糾百官之不契丹使梅

老述骨來渤海使大昭佐來已卯貶豆盧革為辰州刺史

韋說叙州刺史甲申流革于陵州說于合州八月乙酉朔

陝州硤石縣民高存妻產三男子丁酉以象笏三十二

賜百官之無笏者見時朝廷集閣稼于冷泉宮已亥契丹

寇邊丁未平盧軍節度使霍彥威殺其登州刺史王公儼

甲寅醫官張志忠為太原少尹九月己未幸至德宮及袁

建勳且第冬十月丁亥雲南山後兩林百蠻都鬼主石武衛

大將軍李卑晚使大鬼主傅能何華來辛丑契丹使沒骨

餒來告阿保機哀廢朝三日旱辛亥雨

二年春正月癸丑朔更名會葵亥端明殿學士兵部侍郎

馮道大常卿崔協為中書侍郎同中書門下平章事二月

壬午朔新羅使張芬來西川節度使孟知祥殺其兵馬都

監李嚴丙申赦京師囚郭從謙為景州刺史既而殺之從謙

度使劉訓為南面招討使以伐荆南是時荆南自絕於中國而附

伐見非內臣不責其友三月壬子朔幸命昇節園群臣賀宴存幸若不過度

其將烏震新羅使林彥來夏四月庚寅盧書臺軍將龍旺等

伏誅六月丙戌任園罷庚子幸白司馬坡祭突厥神夷狄

也秋七月甲子隨州刺史西方鄴取夔忠萬州癸酉殺豆

盧革韋說八月乙酉祥柯使宋朝化及昆明使者來九月

庚午党項使如連山來壬申契丹使梅老來冬十月乙酉

契丹使如連山來壬申契丹使梅老來冬十月乙酉

唐書卷一百一十五

如汴州宣武軍節度使朱守殷及馬步軍都指揮使馬彥超死之已丑守殷自殺不書克汴州者天子自以兵討未嘗攻戰也

州故書乙未殺太子少保致仕任圜實安重誨矯詔殺之不書重誨

十一月乙亥契丹使梅老來十二月己丑回鶻西界吐蕃遣使者來申辰畋于東郊丙午追尊祖考為皇帝妣為皇

后高祖諡曰孝恭廟號東祖祖妣劉氏諡曰孝恭昭曾祖教諡曰孝質廟號毅祖祖妣張氏諡曰孝質順祖珍諡

曰孝靖廟號列祖祖妣何氏諡曰孝靖穆考諡曰孝成廟號德祖妣劉氏諡曰孝成懿立廟于應州

三年春正月丁巳契丹陷平州二月辛巳吐渾都督李紹廣來已未孔循罷戊戌回鶻使李阿山來三月丁未朔御

札才直言已未鄭珽罷癸亥成德軍節度使王建立為尚書右僕射同中書門下平章事丙午都立歸州戊辰宣徽

南院使范延光為樞密使夏四月戊寅延光罷乙酉達鞠遣使者來義武軍節度使王都文士寅歸德軍節度使王

晏球為北面行營招討使五月契丹秀飯入于定州辛酉右衛上將軍趙敏怡為樞密使封回鶻可汗王仁裕為順

化可汗秋七月己未殺齊州防禦使曹廷隱八月盧龍軍節度使趙德鈞執契丹首領楊隱赫遼慶州防禦使竇廷

琬及冬十月靜難軍節度使李敬周討之丁巳突厥使張慕普來十一月壬午吐渾使念九來甲午王建立罷十二

月李敬周克慶州竇廷琬伏誅辛亥幸康義誠第四年春正月壬辰回鶻使制于撥都督來二月癸卯王晏球

四年春正月壬辰回鶻使制于撥都督來二月癸卯王晏球

克定州

王都自焚故不書伏誅

辛酉夏安球獻誠俘趙敬怡薨死丁卯崔協

薨死庚午至自汴州三月丙戌殺姪從琛夏四月契丹寇雲

州癸丑契丹使捺括梅里來求去餒殺之甲寅端明殿學

士尚書兵部侍郎趙鳳為門下侍郎無工部尚書同中書

門下平章事五月己巳朝羣臣賀朔不曰視朝而曰賀朔者非

月賀朔出於道家之說自唐以來用之書之見亂世舉非禮之不急者此禮其後屢行皆不復書者與入問同乙酉追謚少

帝曰昭宣光烈孝皇帝契丹寇雲中秋七月壬申殺右金吾

衛上將軍毛璋八月乙巳黑水使骨至來丁未吐渾首領念

公來乙卯党項折遇明來己未高懸王建使張彬來九月

癸巳殺供奉官烏昭遇冬十二月辛丑殺西平縣令李商

長興元年春正月丁卯閱馬于苑辛卯宣徽南院使

朱弘昭為大內留守二月戊戌黑木兀兒遣使者來乙

巳天雄軍節度使石敬瑭為御營使癸丑朝獻于太微宮

甲寅享于太廟乙卯有事于南郊大赦改元三月庚寅立

淑妃曹氏為皇后夏四月戊戌安重誨使河中衙內指揮

使楊彥溫逐其節度使從珂壬寅西京留守索自通侍衛

步軍指揮使蔡彥稠討之辛亥自通執彥溫殺之彥溫雖有罪有命護

而勿殺自通擅殺之故不書誅而書殺戊午羣臣上尊號曰聖明神武文德恭孝

皇帝辛酉吐蕃首領千撥言來五月丁丑回鶻使孽栗祖

來庚辰回鶻使安黑浦來秋七月壬午訪莊宗子孫恠所

莊宗子孫而不知恠所見明宗舉兵不順禍害所罹者可哀也於此始求之見事緩而無恩八月乙未忠武軍節

度使張延朗為三司使司使始於此壬寅殺捧聖都軍使

李行德大將張倫滅其族吐渾來附封子從榮為秦王戊

申海州將王傳極殺其刺史陳宣叛丁未來降乙卯吐渾使

康合畢來丙辰封子從厚為宋王九月壬戌吐蕃使王滿
儒來東川節度使董璋及甲申成德軍節度使范延光為
樞密使丁亥石敬瑭為東川行營都招討使冬十月丁酉
始藏冰甲辰驍衛上將軍致仕張筠進助軍粟乙巳董璋
陷閬州殺節度使李仁矩指揮使姚洪死之孟知祥及十
一月庚申朔秦王從榮受冊謁于太廟冊禮廢於亂世至此始一行之故書丙戌
契丹東丹王突欲來奔契狄不可謂善書十二月丁未二
王後秘書丞鄆國公楊仁忠卒廢朝一日丁巳回鶻順化
可汗王仁裕使翟末斯來安重誨討董璋不命將各直沙州
曹日義全遣使者來

二年春正月戊辰党項使折七移來庚辰達怛使列六薛
讓居來二月丁酉元信第戊戌突欲使杜阿熟吐渾
使康重琳來辛丑安重誨罷三月趙鳳罷丁亥太常卿李
愚為中書侍郎同中書門下平章事夏四月甲辰宣徽北
院使趙延壽為樞密使甲寅重璋陷遂州武信軍節度使
夏魯奇死之乙卯以旱赦流罪以下凶閏五月丁酉殺太
子太師致仕安重誨及其妻張氏子崇贊崇緒秋八月己
未契丹使邪姑兒來九月丁亥放五坊鷹隼冬十一月戊
申吐蕃遣使者來辛丑旌表棣州民刑釗門閭干戈之世王
亡民猶有自知孝悌而待君臣者十二月甲寅朔除鐵禁初稅農具
錢至今因已未西涼府遣使者來己巳回鶻使安永思來
辛未渤海使文成用來党項寇方渠

三年春正月庚子契丹使拽骨來己酉渤海回鶻皆遣使
者來二月己卯靜難軍節度使藥彥稠及党項戰于牛兒

谷敗之三月甲申契丹遣使者來夏四月庚申新羅遣使
者來五月己丑二王後詹事司直楊延紹襲封鄜國公內
午孟知祥攻董璋陷綿州六月甲寅封王建為高麗國王
大義軍使孟知祥殺董璋陷東川達韃首領胡哥以其族
來附秋八月己卯吐蕃遣使者來冬十月庚申幸石敬瑭
第

四年春正月庚寅端明殿學士兵部侍郎劉昫為中書侍
郎同中書門下平章事二月戊午孟知祥使朱滉來十國外而不書

此書者知祥本唐臣而反至此改過自歸絕之則嫌不許其自
新錄之則尚真其遷善然其來也臣禮不備故如夷狄書之三月甲

辰追冊晉國夫人夏氏為皇后夏五月戊寅封子從珂為

潞王從珂非子而書子與梁博王友文同從益許王姪從溫克王從璋洋王從

敏溼王丙戌契丹使述骨剌來秋七月乙未回鶻都督李

未來獻白鶻命放之八月戊申十六赦九月戊戌趙延壽罷

山南東道節度使朱弘昭為樞密使冬十月庚申范延光

罷三司使馮煥為樞密使壬申辛壬和亭得疾書得疾為從

十一月壬辰秦王從榮以兵入與昭宣不克伏誅若病不待
疾必兵未

使康義誠殺三司使孫岳戌戌皇帝崩于雍和殿年六十七清
泰元年葬

鳴呼自古治世少而亂世多三代之主有天下者皆數百

年其可道者數君而已况於後世邪况於五代邪予聞長

老為子言明宗雖出夷狄而為人純質寬仁愛人於五代

之君有足稱也嘗夜焚香仰天而祝曰臣本蕃人豈足治

天下世亂久矣願天早生聖人自初即位減罷宮人伶官

廢內藏庫四方所上物悉歸之有司廣言殿火災有司理之請加丹雘喟然嘆曰天以火戒我宜宜增以侈邪歲嘗旱已而雪暴坐庭中詔武德司宮中無得掃雪曰此天所以賜我也數問宰相馮道等民間疾苦聞道等言穀帛賤民無疾疫則欣然曰吾何以堪之當與公等作好事以報上天吏有犯賊輒寘之死曰此民之毒蟲也以詔書褒庶吏孫岳等以風示天下其愛人恤物蓋亦有意於治矣其即位時春秋已高不滿聲色不樂遊畋在位十年於五代之君最為長世兵革粗息年屢豐登生民實賴以休息然夷狄性果仁而不明屢以非辜誅殺臣下至於從榮父子之間不能慮患為防而變起蒼卒陷之以大惡帝亦由此飲良而終當是時大理少卿康澄上疏言時事其言曰為國家者有不足懼者五深可畏者六三辰失行不足懼天象變見不足懼小人訛言不足懼山崩川竭不足懼水旱蟲蝗不足懼也賢士藏匿深可畏四人遷業深可畏上下相徇深可畏庶耻道消深可畏毀譽亂真深可畏直言不聞深可畏也識者皆多澄言切中時病若從榮之變任圜安重誨等之死可謂上下相徇而毀譽亂真之蔽矣然澄之言豈止一時之病凡為國者可不戒哉

五代史記卷第七

唐本紀七

宋歐陽脩撰徐無黨注明汪文盛高激傅汝舟校

愍皇帝明宗第五子從厚也為人形質豐厚寡言好禮明
 宗以其貌類已特愛之天成二年以檢校司徒拜河南尹
 判六軍諸衛事加檢校太保同中書門下平章事從厚妃
 孔循女也安重誨怒循以女妻從厚二年罷循樞密使出
 從厚為宣武軍節度使明年徙鎮河東長興元年封從厚
 宋王徙鎮成德二年徙鎮天雄累加兼中書令四年十一
 月秦王從榮伏誅明宗病甚遣宦者孟漢瓊召王于鄴而
 明宗崩秘其喪六日十一月癸卯朔發喪于西宮皇帝即
 位于柩前羣臣具於東階復于喪位丙午成服于西宮代
 五君於此始見嗣君即位服喪之事先君得其終嗣君得其
 始而免禍亂於臣民於算國之世孫見之事也故特可書之庚戌

登光政門樓存問軍民辛亥殺司衣王氏癸丑始聽政乙卯殺司儀康氏丁巳馮道為大行皇帝山陵使戶部尚書韓彥輝為副中書舍人王延為判官禮部尚書王權為禮儀使兵部尚書李璘為鹵簿使御史中丞龍敏為儀仗使左僕射權判河南府盧質為橋道頓遞使丁卯禫

應順元年春正月壬申朔視朝于廣壽殿禮也乙亥契丹

使都督沒辣于來戊寅大赦改元用樂回鶻可汗王仁美

遣使者來沙州瓜州遣使者來乙未朱弘昭馮贇獻錢助

作山陵閏月丙午冊皇太后不書姓氏不曰冊某人為皇太后者得尊不可斥其事自見於傳也

甲寅冊太妃王氏北京留守石敬瑭獻銀絹助作山陵二

月庚寅視作山陵鳳翔節度使潞王從珂反辛卯西京留

守王思同為西面行營都部署靜難軍節度使

二月丙辰思同兵潰嚴衛指揮使尹暉羽林指揮使楊

思權以其軍叛降于從珂辛酉殺侍衛親軍馬軍都指揮

使朱弘質癸亥河陽三城節度使康義誠為鳳翔行營都

招討使王思同為副西京留守劉遂雍叛降于從珂思

同奔歸于京師不克死之丁卯京城巡檢使安從進叛殺

馮贇朱弘昭自殺從進傳其二首于從珂戊辰如衛州唐

廢帝鎮州平山人也本王氏其世微賤母魏氏少寡明宗

為騎將過平山掠得之魏氏有子阿三已十餘歲明宗養

以為子名曰從珂及長狀貌雄偉謹信寡言而驍勇善戰

明宗甚愛之自晉臣戰梁于河上從珂常立戰功莊宗呼

其小字曰阿三不徒與我同年其敢戰亦類我同光二年

唐史紀事本末卷之七十一

為衛州刺史突騎指揮使戍于石門明宗討趙在禮自魏
反兵而南從珂率戍兵自曲陽于靈縣馳出常山以追明宗
明宗之南也兵少得從珂兵在後而軍聲大振明宗入立
拜從珂河中節度使封潞王是時明宗春秋已高王於諸
子次最長樞密使安重誨遣之乃矯詔河中裨將楊彥溫
使圖之王閱馬于黃龍莊彥溫即閉門拒之王止于虞鄉
以聞明宗召王還京師居之清化里第重誨數請行軍法
明宗不聽後重誨見殺乃起王為左衛大將軍西京留守
長興三年為鳳翔節度使王字重吉自明宗時禁兵為
控鶴指揮使愍帝即位朱弘昭馮贇用事乃罷重吉兵職
出為亳州團練使又徙王為北京留守不降制書而宣授
又以李從璋為代初安重誨得罪罷河中以從璋為代而
重誨見殺故王益自疑遂據城反愍帝遣王思同會諸鎮
兵討之思同戰敗走諸鎮兵皆潰

清泰元年三月丁巳王以兵東唐中丞長安而京留守

劉遂雍叛于唐來降甲子次華州執樂官稱丙寅次靈武

河中安彥威陝州康思立叛于唐來降己巳次陝州康義

誠叛于唐來降殺宣徽使孟漢瓊愍帝出居于衛州夏四

月壬申入京師馮道率百官迎王于將橋王辭不見入哭

于西宮遂見羣臣道拜王各拜入居于至德宮癸酉以太

后令降天子為鄂王命王監國乙亥皇帝即位丙子率河

南民財以賞軍丁日借民房課五月以賞軍戍寅弒鄂王

義與絳 茲州刺史宋令詢死之乙酉大赦改元戊子殺康

義與絳 義誠及孫立彥溫我誠殺于愍帝 五月丙午端明

五月丙午端明

殿學士左諫議大夫韓昭胤為樞密使莊宅使劉延朗為
 樞密副使庚戌馮道罷天雄軍節度使范延光為樞密使
 甲寅賜勸進選人宗子官六月庚辰幸范延光及索自通
 第秋七月辛亥太常卿盧支紀為中書侍郎同中書門下
 平章事丁巳立沛國夫人劉氏為皇后八月辛未尚書左
 丞姚顛為中書侍郎同中書門下平章事許御署官選御
 官疑是廢帝初舉兵時所置之官以其非吏部正授故須有旨方
 得選此於事無勸戒不必書以舊制史不詳故存所不知慎傳疑也
 九月契丹寇邊冬十月戊寅李忠烈劉珣罷十一月乙亥雄
 武軍節度使張延朗為中書侍郎同中書門下平章事契
 丹寇雲州庚寅幸龍門旱

二年春二月甲戌范延光罷己丑追尊魯國大夫人魏氏

為皇太后非嫡母故詳其爵氏三月辛丑中武軍節度使趙延壽為

樞密使又五月辛卯宣徽南院使劉延皓為樞密使秋七月丁酉回鶻

攻雲州六月癸未幸雲州都督軍伍之名秋七月丁酉回鶻

可汗王使來使封樞密使又九月己酉刑部尚書房樞密使又九月己酉刑

部尚書房樞密使又九月己酉刑部尚書房樞密使者來

三年合正月乙未自濟南使者來丁未封子重美為雍王

二月丙午翰林學士禮部侍郎馬胤孫為中書侍郎同中

書門下平章事丙申命樞密使台敬瑄反夏五月乙卯建雄

車節度使張敬達為太原四面都招討使表武軍節度使

楊光遠為副以申先鋒指揮使安審信叛降于台敬瑄已

西振武戍將安重榮叛降于台敬瑄于大雄軍屯駐捧

聖都盧俊張令昭承宣節度使劉延皓六月癸亥以令昭

為右千牛衛將軍權知大雄軍府事以者明令昭猶可以中戌

宣武軍節度使范延光為天雄軍四面招討使秋七月戊申克魏州壬子張令昭伏誅癸丑彰聖指揮使張萬迪叛降于石敬瑭八月戊午契丹使梅里來九月甲辰張敬達及契丹戰于太原敗績契丹圍敬達于晉安戊申如河陽冬十月壬戌括馬籍民為兵十一月戊子盧龍軍節度使趙德鈞為行營都統丁酉契丹立晉閏月甲子楊光遠殺張敬達以其軍叛降于契丹敬達不書死之而書殺者敬達大而見殺猶為得死而書殺者敬達大殺已以救故書之如其志甲戌契丹及晉人至于潞州丁丑至自河陽辛巳皇帝崩年五十三帝自焚死晉高祖命葬其虛骨於微陵域中嗚呼君臣之際可謂難哉蓋萌者慮於未萌而前知暗者告以將及而不懼故先事而言雖忠而不信事至而悔其可及乎重誨區區獨見路王之禍而謀之不臧至於殞身其於其附自效及賊帝之亡也八於微陵其土一墉路人見者皆為之悲使明宗為有知其有媿於重誨矣哀哉

五代史記卷第七

五代史記卷第八

晉本紀八

宋歐陽脩撰徐無黨注明汪文盛尚毅傳汝舟校

高祖聖文章武明德孝皇帝其父臬捩鷄本出於西夷自
 朱邪歸唐從朱邪入居陰山其後晉王李克用起於雲朔
 之間臬捩鷄以善騎射常從晉王征伐有功官至洛州刺
 史臬捩鷄生敬瑭其姓石氏不知得其姓之始也敬瑭為
 人沈厚寡言明宗愛之妻以女是為永寧公主由是常隸
 明宗帳下號左射軍莊宗已得魏梁將劉鄩急攻清平莊
 宗馳救之兵未及陣為鄩所掩敬瑭以千餘騎橫槊馳擊
 取之以旋莊宗拊其背而壯之手啗以酥酪夷狄所重
 由是名動軍中十五年莊宗戰於胡柳前鋒周德威戰死
 敬瑭以佐射軍從明宗復擊敗梁兵明宗戰胡虜塞揚村

為梁兵所敗敬瑭常脫明宗於危趙在禮之亂明宗討之
至魏而兵變明宗初欲自歸于天子明已所以不反者敬
瑭獻計曰言有軍變於外上將獨無事者乎且猶豫者兵
家大忌不如速行願得騎兵三百先攻汴州夷門天下之
要害也得之可以成事明宗然之與之驍騎三百渡黎陽
為前鋒明宗遂入汴莊宗自洛後至不得入而兵皆潰去
莊宗西還明宗以敬瑭為前鋒趣汜水且收其散卒莊宗
遇弒明宗入立拜敬瑭保義軍節度使賜號竭忠建策興
復功臣兼六軍諸衛副使在陝為政以廉聞是時諸侯多
不奉法鄧州陶玘亳州李鄴皆以賊汙論死明宗下詔書
褒廉吏並州安崇院洛州張萬進耀州孫岳等以諷天下
而以敬瑭為首天成二年十月從幸汴州為御營使拜宣
武軍節度使侍衛親軍馬步軍都指揮使六軍副使如故
改賜耀忠匡定保節功臣三年四月從鎮天雄拜同中書
門下平章事興唐丑五月拜駙馬都尉董瑄及東川為行
營都招討使不克而還復兼六軍諸衛副使從鎮河陽三
城未行而契丹吐渾突厥皆入寇是時秦王從榮統六軍
敬瑭疑其必及禍不欲為其副乃自請行及制出不樂副
使輒復辭行明宗數責大臣問誰可行者范延光趙延壽
等卒以敬瑭為請乃拜河東節度使大同彰國振武威塞
等軍蕃漢馬步軍總管落索軍副使乃行明年明宗崩愍
帝即位加中書令一月從鎮成德清泰元年五月復鎮天
原聚朝京師潞王從珂久於鳳翔愍帝出奔遇敬瑭于道
敬瑭殺帝從者百餘人愍帝十衛州而去廢帝即位疑敬

璿必反

天福元年五月徙鎮天平敬瑭果不受命謂其屬曰先帝受吾太原使老為今無故而遷是疑吾反也且大原地險而粟多吾嘗與內檄諸鎮外求援於契丹可乎棗維翰劉知遠等共以為然乃上表論廢帝不當立請立許王從益為明宗嗣廢帝下詔削奪敬瑭官爵命張敬達等討之敬瑭求援於契丹九月契丹耶律德光入自鴈門與唐兵戰敬達大敗敬瑭夜出北門見耶律德光約為父子十一月丁酉皇帝即位

於廢帝本紀書契丹立西日揚所見也於此書皇帝即位必自立蓋其志在於國號晉以幽涿薊檀順瀛漢蔚朔雲為帝故使自任其惡也

應新媯儒武襄州人于契丹已亥大赦改元掌書記棗維翰為翰林學士尚書禮部侍郎知樞密使事閏月丙寅人相

材學士承旨尚書戶部侍郎趙瑩為門下侍郎棗維翰為中書侍郎同中書門下平章事兼樞密使甲戌趙德鈞及其子延壽叛于唐來降契丹鏢之以歸已卯次河陽節度使甚從簡叛于唐來降

是日廢帝辛巳至自太原盧文紀姚顛羅甲申大赦殺張延朗劉延朗赦房嵩十二月乙酉如

王從珂從晉人本語河陽追降王從珂為庶人

侍郎同中書門下平章事已丑曹州指揮使石重玄殺其刺史鄭玩辛卯御札求直言癸巳鎮州大內都虞候祕瓊逐其節度副使李彥琦同州裨將門鐸殺其將揚漢賓康

子天平軍節度使王建立殺其副使李彥斌晉

二年春正月癸亥安遠軍節度使盧文進叛降于吳丁卯天雄軍節度使范延光殺邠州防禦使祕瓊戊寅兵部侍

郎李崧為中書侍郎同中書門下平章事樞密使封唐宗
室子為公及隋鄴公為二王後以周介公備二格唐宗室子
書之以見二王後三格
儲存不必著其人也二月丁酉契丹使皇太子解里來三月

庚辰如汴州夏四月丁亥赦囚蠲民租賦趙瑩使于契丹
辛卯宣武軍節度使楊光遠進助國錢契丹使言死使李
可興來五月壬戌御札求直言丁丑追尊祖考為皇帝妣

為皇后高祖璟謚曰孝安廟號靖祖妣秦氏謚曰孝安

元曾祖柳謚曰孝簡廟號肅祖妣安氏謚曰孝簡恭祖

昱謚曰孝平廟號睿祖妣來氏謚曰孝平獻考紹繼謚

曰孝元廟號獻祖妣何氏謚曰孝元獻六月癸未契丹使

夷離畢來天雄軍節度使范延光及丁酉傳箭于義成軍

節度使符彥饒丁未楊光遠為魏府四回行營都部署東

都巡檢張從賓反留守判官李遐死之奉國都指揮使侯

益護聖都指揮使杜重威討之從賓寇河陽殺皇子重又

寇河南殺皇子重信秋七月從賓陷汜水關殺巡檢使宋

廷浩壬子右衛大將軍尹暉叛奔于吳不克伏誅右監門

衛大將軍婁繼英投降于張從賓義成軍亂殺戍將侍衛

馬步軍都指揮使白奉進甲寅戍將奉國都指揮使馬萬執

符彥饒歸于京師命殺之于赤岡彥饒雖有縱軍之罪被誣
命殺嫌乙卯楊光遠為魏府行營都招討使辛酉杜重威

克汜水關張從賓投河死
故不書伏誅壬申楊光遠克博州丙子安州屯

防指揮使于暉殺其節度使周瓌右衛大將軍李金全討

之金全未至而暉亦見殺故不書
暉反不書口是安州不書暉誅八月丙申靜難軍節度使安

淑于進添都馬乙巳赦非死罪囚及張從賓符彥饒王暉

五十七

餘黨九月楊光遠進粟冬十月辛巳禁造甲兵

三年春二月戊戌諸鎮皆進物以助國錢民以獻其上君臣同欲賄路公行至此而不

來丁丑林示私造銅器秋七月辛酉以皇業錢作受命寶勝其多矣故總言諸鎮此後不復書矣

契丹冊禮使壬午澶州刺史馮暉降丙戌許御署官選已不必書自皇業錢者私錢也天子支田私錢故書

丑蠲水旱民稅辛丑歸伶官于契丹高祖所以父事契丹其有

已未歸靜鞭官劉守威金吾助契官王殷司大鷄若輸九月已酉赦范延光初延光請降高祖不許延光遂望

殷暉于契丹于闐使馬繼榮來回鶻使李萬金來己巳赦之也

魏州蠲民稅是月宣徽南院使劉處讓為樞密使冬十月

戊寅契丹使中書令韓頊來奉冊曰英武明義皇帝庚辰

升汴州為東京以洛陽為西京雍州為晉昌軍戊子右金

吾衛大將軍馬從斌使于契丹己未劫舟使梅里來戊戌

大赦庚子封李聖天為大寶于闐國王十一月辛亥升廣

晉府為鄴都壬戌除鑄錢令十二月丙子封子重貴為鄭

王

四年春正月盜發唐愍皇帝墓愍帝附于明宗陵陵域中無

表深州民李自倫門閭三月乙巳回鶻使其都督拽里敦

來丙辰頒調元歷靈州戍將王彥忠以懷遠城反己未彥

忠降供奉官齊延祚殺之夏四月辛巳封回鶻可汗王仁

美為奉化可汗甲申廢樞密使秋七月丙辰復林示鑄錢閏

閏

閏

閏

閏

閏

月壬申棄維翰罷八月己亥朔河決博平西戎寇涇州彰
義軍節度使張彥澤敗之執其首領野离羅蝦獨九月丁
丑契丹使粘木孤來勞未封李從益為郿國公以奉唐後
丙戌高麗王建使其廣評侍郎邢順來冬十一月乙亥立
唐高祖太宗莊宗明宗愍帝廟于西京戊子契丹使遙折
來吐蕃罷延族來附

五年春正月丁卯朔德音除民公私債已丑回鶻使石海
金乘夏四月甲子契丹興化王來五月丙戌安遠軍節度
使李金全叛附于唐六月癸卯李昇遣其將李承裕入于
安州金全奔于唐安遠軍節度使馬全節及承裕戰敗之
丁巳克安州承裕奔于雲夢全節執而殺之秋八月丁酉
閱稼于西郊己未西京留守楊光遠殺太子太師范延光

九月丁卯翰林學士承旨戶部侍郎和凝為中書侍郎同
中書門下平章事辛巳閱稼于沙臺冬十月丁未契丹使
舍利來十一月丙子冬至始用二舞

六年春正月戊寅封唐叔虞為興安王書室駘為昌寧公二
月戊申停賞宴錢三月除民二年至四年以前稅稅特飲重
不而民不堪

夏四月己未契丹使述括來五月吐渾首領白承福來秋

七月壬午突厥使薛同海來八月壬辰如鄴都開封尹鄭
王重貴留守東京宣徽南院使張從恩東京內外兵馬都
監王寅大赦甲寅光祿卿張澄使于契丹九月乙亥前安
國軍節度使楊彥詢使于契丹丁丑吐渾使白可义來河
決中都入于沓河冬十月河決滑濮鄆澶州山南東道節
度使安從進反十一月丁丑西京留守高行周為南面軍

前都部署以討之十二月丙戌朔鄭王重貴為廣晉尹徙封齊王先鋒都指揮使郭海金及安從進戰于唐州敗之成德軍節度使安重榮反天平軍節度使杜重威為鎮州行營招討使丙申契丹遣使者來戊戌杜重威及安重榮戰于宗城敗之

七年春正月丁巳克鎮州安重榮伏誅赦廣晉庚午契丹使達刺來三月歸德軍節度使安彥威塞決河于滑州閏月大興蝗食麥夏五月乙巳尊皇太妃劉氏為太后高祖所生也六月丙辰吐渾使念醜漢來乙丑皇帝崩于寶昌殿五年

五代史記卷第八

五代史記卷第九

晉本紀九

宋歐陽脩撰徐無黨注明汪文盛重校

出帝父敬儒高祖兄也為唐莊宗騎將早卒高祖以其子重貴為子高祖六十有五皆早死而重貴幼故重貴得立重貴少而謹厚善騎射高祖使博士王震教以禮記又之不能通大義謂震曰此非我家事也高祖為契丹所立謀以一子留守太原契丹使盡出諸子自擇之指重貴曰此眼大者可也遂拜金紫光祿大夫行太原尹北京留守知河東節度事天福二年九月召拜左金吾衛上將軍三年冬為開封尹封鄭王加大尉同中書門下平章事六年高祖幸鄴留守東京已而為廣晉尹徙封齊王七年六月乙丑高祖崩皇帝即位于掖前庚午使右驍衛將軍石德超以

御馬二撲祭于相州之西山禮也如京師使李仁廓使于

契丹契丹使梅李來丙子馮道為大行皇帝山陵使門下

侍郎竇貞固為副太常卿崔秘為禮儀使戶部侍郎呂琦

為鹵簿使御史中丞王易簡為儀仗使舊史實錄無馮道頭

漢高祖亦然已卯四方館使朱崇節右金吾衛大將軍李使

于契丹秋七月壬辰皇祖母劉氏崩輟視朝三日高祖所主

特尊為皇太后矣其崩也喪葬不用后禮見恩禮之薄不書曰皇太后者於帝為祖母也曰山崩正其名也丁酉使石德

超撲馬于相州之西山前已備見故文省庚子大赦甲辰契丹使通

事來八月戊午高行周克襄州安從進自焚死故不書伏誅庚申天平

軍節度使景延廣義成軍節度使李守貞彰德軍節度使

郭謹進錢粟助作山陵甲子契丹使郎五來庚午葬皇祖

母于魏縣癸酉契丹使其客省使張九思來九月辛卯李

守貞為大行皇帝山陵都部署冬十月己未契丹使舍利

來庚午回鶻遣使者來十一月契丹使大卿來庚寅葬聖

文章武孝皇帝于顯陵陵在河南壽安縣五代之亂至此七君

不克葬至廢帝時始克葬故皆不書至此始見子得葬其父故并附廟詳書之己亥牛羊使董殷使于

契丹庚子附高祖神主于太廟辛丑瀾高祖靈輿所過民

租之半十二月庚午北京留守劉知遠進百頭宮廬宮廬

之用契丹于越使令骨支來辛未又使野里已來丙子丁

閩使都督劉再昇來沙州曹元深瓜州曹元忠皆遣使附

再昇以來旱蝗八年春正月契丹于越使烏多奧來三月

壬子景延廣為御營使己未如東京赦廣晉府囚庚申次

澶州赦囚乙丑至自鄴都庚午寒食帝祭顯慶于南莊焚

御衣紙錢焚不望祭之類皆謂焚之天子見禮樂壞甚二月己卯趙瑩罷晉

昌軍節度使秦維翰為侍中辛丑引進使大府卿孟承誨
使于契丹蝗夏四月庚午董殷使于契丹供奉官張福率
威順軍捕蝗于陳州五月泰寧軍節度使安審信捕蝗于
中都丁亥追封皇伯敬儒為宋王癸卯馮道罷甲辰以蝗
旱大赦六月庚戌祭蝗于臯門癸亥供奉官七人帥奉國
軍捕蝗于京畿辛未括借民粟殺藏粟者秋七月甲午冊
皇太后丁酉朕于南莊契丹使梅里等來甲辰供奉官李
漢超帥奉國軍捕蝗于京畿八月丁未朔募民捕蝗易以
粟辛亥檢民青苗九月戊寅尊奉國夫人安氏為皇太妃
丙申辛六年莊及景延廣第冬十月戊申立馮氏為皇后
馮氏於帝為叔母壬子畋于近郊沙真去丙寅劫丹使通事劉胤
來庚午括借民粟十一月己卯董殷使于契丹甲申辛八

角閔馬牧乙未契丹使梅里來戊戌齊州刺史楊承祚奔
于青州辛丑高麗使其廣評侍郎金仁逢來十二月癸丑
給事中邊光範登州刺史郭彥威使于契丹甲寅高麗使
太相來平盧軍節度使楊光遠反淄州刺史翟進宗死之
開運元年春正月甲戌朔契丹寇滄州己卯陷貝州庚辰
歸德軍節度使高行周為北面行營都部署契丹入鴈門
寇代州辛巳殺直王班使于契丹至于鄴都不得進而後
晉自高祖以父事契丹其後而後使皆不書至出帝
立使者窮年不絕不可勝數其官甲者皆畧而不書班以不得進
故大饑壬午前靜難軍節度使李同留守東京景延廣為
御營使乙酉北征丙戌契丹寇黎陽辛卯講武于澶州契
丹屯于元城趙延壽寇南樂甲午劉知遠為幽州道行營
招討使括馬丙申契丹寇黎陽辛丑劉知遠及契丹偉王

戰于秀容敗之博州刺史周儒叛降于契丹二月戊申前
 軍都虞候李守貞及契丹戰于馬家渡敗之癸丑北面行
 營都虞候馬全節及契丹戰于北平敗之二月癸酉及契
 丹戰于戚城契丹去戰而兩各傷失收兵徐去己丑冀州刺史
 白從暉及契丹戰于衡水敗之癸巳籍民為武定軍夏四
 月契丹陷德州沁河巡檢使梁進敗之取德州甲寅至自
 澶州赦京師己未馬全節及契丹戰于定豐敗之辛酉率
 借民財五月戊戌李守貞討楊光遠丁亥鄴都留守張從
 恩為貝州行營都部署夏五月李守貞為青州行營都部署
 六月克淄州丙午復置樞密使丁未侍中葉維翰為中書
 令文樞密使丙辰河決滑州環梁山入于汶濟秋七月辛
 未朔大赦改元己丑太子太傅劉昫守司空燕門下侍郎

同中書門下平章事八月辛丑朔劉知遠為北面行營都
 統順德軍節度使杜威為都招討使戊辰旌表陳州項城
 民史仁誦門閭九月丙子契丹寇遂城樂壽代州刺史白
 文珂及契丹戰于七里烽敗之冬十月庚戌武寧軍節度
 使趙在禮為北面行營副都統鄴都留守馬全節為招討
 使十二月己亥朔朕免于阜門丁巳楊承勳囚其父光遠
 以降殺之出帝已許其不死既而命李守貞自殺之故不請伏誅閏月乙酉德音赦青
 州囚契丹寇恒州

二年春正月契丹陷秦州壬子馬全節及契丹戰于榆林
 丙軍皆潰戊午幸南莊張從因留守東都辛酉高行周為
 御營使乙丑北征契丹去二月己巳幸黎陽橫海軍節度
 使田武為東北面行營都部署有以備契丹日以備契丹兼契丹已去而命將

丙子大閱于戚城丙戌閱馬於鐵丘丙申端明殿學士尚書戶部侍郎馮玉為戶部尚書樞密使三月戊戌契丹陷祁州刺史沈斌死之丁未敗于戚城庚戌馬全節克秦州辛亥易州戌將孫方諫及契丹諸里戰于狼山敗之甲寅杜威克滿城乙卯克遂城庚申杜威及契丹戰于陽城敗之追奔至于衛村又敗之夏四月戊寅勞旋于戚地己卯勞旋于王菴河甲申至自澶州赦左右軍囚庚寅大賞軍功五月丙申朔大赦丙午辛南莊六月丁卯射于繁臺辛杜威第旱秋八月甲子朔廢二舞丙寅和凝罷馮玉為中書侍郎同中書門下平章事辛未閱馬于茂澤戊丁丑括馬九月己亥閱馬于萬龍岡辛李守貞第冬十月丁丑高麗使其廣評侍郎韓玄珪禮賓卿金廉等來戊寅射兒于

破臺戊子高麗使其兵部侍郎劉... 卿朴執言來

十一月戊戌封王武為高麗國王己巳射虎于臯門辛沙臺十二月丁丑臘敗于郊丁亥桑維翰罷開封尹趙瑩為中書令李松守侍中樞密使

三年春二月丙子回鶻使突厥陸來午射鴨于板橋辛

南莊夏六月孫方諫以狼山叛附于契丹丙寅契丹寇邊

己丑李守貞為行營都部署義成軍節度使皇甫遇為副

河決漁池大饑群盜起秋七月大雨水河決楊劉朝城武

德八月辛酉河溢歷亭九月河決澶滑懷州辛丑行營馬

軍排陣使張彥澤及契丹戰于新興敗之癸卯劉知遠及

契丹戰于朔州敗之大雨霖河決臨黃冬十月河決衛州

丙寅河決原武辛未杜威為北面行營都招討使李守貞

為兵馬都監十一月永靜軍節度使梁漢璋及契丹戰于

瀛州敗績契丹寇鎮定十二月己未杜威軍于中渡壬戌

奉國都指揮使王清及契丹戰于滹沱敗績死之戰將死於陣守

將死於城也不書死者以其志未可知也或欲去而不得或欲降杜

而未暇遽以被殺爾若不走不降而死節明者自書死如清是已杜

威李守貞張彥澤以其軍叛降于契丹庚午射兔于沙臺

壬申張彥澤犯京師殺開封尹棗維翰契丹滅晉出帝雖

則亡已故書威嗚呼余書封子重貴為鄭王又書追封皇伯敬儒為宋王

者豈無意哉禮兄弟之子猶子也重貴子可矣敬儒出帝

父也書曰皇伯者何哉出帝立不以正而絕其所生也蓋

出帝於高祖得為子而不得為後者高祖自有子也方高

祖疾病抱其子重貴實於馮道懷中而託之出帝豈得立

邪普見大臣既違禮察命而立之以謂出帝為高祖子則

得立為敬儒子則不得立於是深諱其所生而絕之以欺

天下為真高祖子也禮曰為人後者為其父母服使高祖

無子出帝得為後而立以正則不待絕其所生以為欺也

故余書曰追封皇伯敬儒為宋王者以見其立不以正而

滅絕天性臣其父而爵之以欺天下也